

सानसेयारि 'बड'सा' खरीरालाइयाव  
समाजयारि जिउजो लोब्बा थानाय रायथाय, खन्थाय,  
सल', सल'बाथा आरु दावबायारि थावनि, पार्क  
बाइदिनि सायाव लिउनाय लिउबिदां बैथाय हर'  
सानसेयारि 'बड'सा' खरीरालाइया खेबरानाबै  
फोसावगोव।

बड'सायाव लिउहरनायनि हुबा खालाम,  
'बड'सा' खरी नोथां, जो बयबो आंगो खालाम।

सानसेयारि बड'सा मावखुनि

माइबं नोगोर, जोहोलाव दैमालु लामा

कक्राझार, विटिसि-783370

Website: www.bodosanewspaper.com

BODOSA ★ A Bodo News Daily ★ Saturday ★ 30 October, 2021 Kokrajhar, BTC, Assam ★ Vol.- 31, Issue No. 213 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

बिजनी दख'रा  
एबसुआबो पिपि  
बार्मानि रुंसारि  
जानायखौ दुखु  
फोरमायदों

बिजनी, 29 अक्टबर: थानाय  
2020 माइथायनि 27  
जानुवारीआव जालानाय  
बर'फोरनि थामथि गोजोन  
गोरोबथा थामहिनबा बि टि आर  
गोरोबथानि 3 नं दफाखौ  
मावफु'नो थाखाय दानानै  
होजानाय बि टि आर बाउन्डरि  
कमिसननि मासिगिरि आरु  
(□ 5 बिलाइआव)

## दिनै मोन 5 बियाबनि उफ्रा बिसायख'थिनि भट आजावगोन

गासै सा 7,96,456 भटारफोरा मोन 5 बियाबआव सा 31 बिजाथिफोरनि खाफालखौ सायख'गोन

दिसपुर, 28 अक्टबर: आसामनि मोन  
5 बिधान सभा बियाबनि उफ्रा  
बिसायख'थिनि गाबोन भट  
आजावगोन। गाबोन सोरानाय लोगो  
लोगो फुंबिलि 7 रिगानिफ्राय जागानानै  
बेलासिनि 5 रिगानिफ्राय भटारफोरनि भट  
आजावनाया जागोन। गाबोन जानो गोनां  
उफ्रा बिधानसभा बिसायख'थियाव मोन  
5 बियाबआव गासै सा 31  
बिजाथिफोरनि गेजेराव बादायलायगोन



आरो बे सा 31 बिजाथिफोरनि  
खाफालखौ गासै सा 7,96,456  
भटारफोरा सायख'गोन। बेनिनो 28 नं  
गसाइगाव बियाबआव गासै सा 8  
बिजाथिफोरनि गेजेराव बिसायख'थिनि  
दावहाया जागोन। सा 8 बिजाथिफोरनि  
गेजेराव दं फारियै- कंग्रेसनिफ्राय जवेल  
तुदु, इउ पि पि एलनिफ्राय जिरन  
बसुमतारि, बि पि एफनिफ्राय ध्रुव कुमार  
नार्जारी, (□ 5 बिलाइआव)

बारग' गाहाय नेहाथारि पिपि  
बार्मानि रुंसारि जानायखौ गिबि  
मन्थिआ दुखु फोरमायहरदों

दिसपुर, 29 अक्टबर: राज्ज्यो सरकारनि बारग' गाहाय  
नेहाथारि पिपि बार्मानि रुंसारि जानायखौ गोथौवै दुखु मोननाय  
फोरमायहरदों आसामनि गिबि मन्थि उः हिमन्त विश्व शर्माआ।  
दिने गांसे दुखुनि रादाव बिबुंसायव गिबि मन्थि उः शर्माआ  
बुंदोंदि, जिउ थानाय समाव थि सान्थौजों पिपि बार्माआ  
राइज्ज्योनि खुंथायारि बिथिखौ जाय बिहोमा होबोदों बेखौ  
राइज्ज्योयारिआ मानबाउनायजों गोसोखोंगोन। सासे रंगौथि  
गोनां खुंथायखौ सामलायग्रा महैरि बियो साखि मावनाय समाव  
राइज्ज्योनि गुबुन गुबुन बिफानफोरखौ मोजांथारै सामलायनायनि  
बिथिआव जोबोद बिहोमा होबोदों। बेनि अनगायैबो बिटिआर  
रादाय मावफुनायनि बिथिआवबो (□ 5 बिलाइआव)

1 नभेम्बरआव सरासनखा  
राइजो-राजाफोरनि  
थाखाय नेम-खाथिनि  
गेजेरजों जनता भवनखौ  
बेखेवगोन

गुवाहाटी, 29 अक्टबर: जनता  
भवनआव लोगो हमहेनो थानाय  
सुबुंफोरखौ हाबोहोनाय थानाय  
होबथानायखौ राइज्ज्योनि  
सरासनखा खुंथाया। मन्थि एबा  
बिबानगिरि-मावफारिफोरखौ  
साखिनि खामानिफोरनि थाखाय  
लोगो हमहेनो हागोन। अदेबानि  
बे बिथिआव फोसावजानाय  
बिथोनमायाव फोरमायनाय  
(□ 5 बिलाइआव)

दारि-ख'मानि थद'नाय गैयाजासे उः हिमन्त विश्व शर्मानि  
सरकारा मावफुंगोन आसाम रादायखौ: आसाम प्रदेश बिजेपि

गुवाहाटी, 29 अक्टबर: दारि-  
ख'मानि थद'नाय गैयाजासे  
आसाम रादायनि दफा-दफा  
मख'जानाय मोनफोमबो  
बोसोनफोरखौ मावफुनायनि  
थाखाय उः हिमन्त विश्व शर्मानि  
देदनाय आसाम सरकार गासैबो  
रोखोमनि सांग्रिथिखौ  
जागयजेनबाय। भारतीय जनता



पार्टीआ 'भिजन डकुमेन्ट'आव  
बाध्ना होनाय बादियै सरकार  
दाफुंजानायनि उनाव आसाम  
रादाय मावफुनायनि थाखाय

नांगौ बादि 'फ्रेमवार्क' थियारि  
खालामनायनि थाखाय मोनसे  
उफ्रा आफाद दाफुंजे। गिबि  
मन्थि महैरि बिबान लानायनि  
उनावनो उः शर्माआ 'फ्रेमवार्क'  
थियारि खालामनायनि थाखाय  
उफ्रा। आफाद दाफुंनानै  
थाद'आजासे रादाय बादियै  
(□ 5 बिलाइआव)

एबसुआ उफ्रा बिसायख'थिखौ गोजोन आरो  
उदाडै खुंफुंजानायखौ हास्थायदों

एबसुआ जेब्लायबो समाजनि गेजेराव  
गोजोन खौसेथिखौ हास्थायो: दिपेन बर'

कक्राझार, 29 अक्टबर:  
आसामनि मोन 5 बिधान सभा  
बियाबनि उफ्रा बिसायख'थिया  
गाबोन 30 अक्टबरखालि  
खुंफुंजासिगोन। दासिम  
मोनफोमबो बियाबनि  
बिसायख'थिखौ गोजोन आरो  
उदाडै खुंफुंनो थाखाय  
बिसायख'थि आयग आरो  
जिल्ला खुंथायफोर आबुडै  
साखा-फारा जानानै दं।  
बुब्लियावनो दुलाराय बर'



फरायसा आफादआबो गाबोननि  
खुंजानो गोनां उफ्रा  
बिसायख'थिखौ गोजोन आरो  
उदाडै खुंफुंजानायखौ  
हास्थायदों। दिने एबसुनि  
आफादगिरि दिपेन बर'आ  
कक्राझारआव खौरगिरिफोरनि  
गेजेरजों बुंथिदोंदि, फरायसा  
(□ 5 बिलाइआव)

गसाइगाव जिल्ला बिसायख'थि  
बिबानगिरिआ साफ्रोमखौबो भट होफैनो  
खावलायहरदों महकुमागिरिआ


गसाइगाव, 29 अक्टबर: राज्ज्योनि गुबुन दरब्रे बियाबजों  
लोगोसेनो 28 नं. गसाइगाव बिधान सभा बियाबआव खुंफुंजानो  
गोनां उफ्रा बिसायख'थिनि थाखाय गासैबो नांगौबादि लाहार-  
फाहारखौ आबुं खालामबाय गसाइगाव जिल्ला बिसायख'थि  
बिबानगिरि आरो गसाइगाव महकुमा खुंथाया। गाबोन 30 अक्टबर  
फुंनि 7:00 रिगानिफ्राय मोनाबिलिनि 5:00 रिगानिफ्राय सोलिनो  
गोनां भट होनाय हाबाफारिनि थाखाय आथिखालआव पल्लिं आरो  
प्रिसाइडिं बिबानगिरिफोर दिने फुंनिफ्राय (□ 5 बिलाइआव)

मुगानि आगदारि बानेश्वर  
बसुमतारिनि खुंगा थामथि  
जोनोम सान फालिनो  
साखा-फारा

बाक्सा, 29 अक्टबर: दुलाराय  
बर' फरायसा आफादनि  
गायसनगिबि आफादगिरि  
मुगानि आगदारि बानेश्वर  
बसुमतारिनि खुंगा थामथि  
जोनोम सान फालिनो थाखाय  
साखा-फारा जादों। मिरु एबसु  
(□ 5 बिलाइआव)

बि टि आरनि बाउन्डरि कमिसननि मासिगिरि  
प्रेम प्रसाद बार्माआ रुंसारि जाबाय

एबसुआ रुंसारि बार्मानि गोजोन जिउमानि थाखाय आलारि बाथि फोजोंदों



कक्राझार, 29 अक्टबर: थानाय बोसोर 2020 माइथायनि 27  
जानुवारीखालि जालामनाय बर'नि थामथि गोजोन गोरोबथा  
थामहिनबा बि टि आर गोरोबथानि 3 नं दफायाव थानाय बादि बि  
टि आरआव गामि सोसनाय आरो गामि दानख'नायखौ मावफुंनो  
थाखाय दानानै होजानाय बि टि आर बाउन्डरि कमिसननि मासिगिरि  
आरो आसाम सरकारनि आजिरा मोन्याय सिफ सेक्रेटारि प्रेम प्रसाद  
बार्मा, आइएसएस बिथाड 29 अक्टबर, 2021 इ अक्टखालि हरनि  
1.25 रिगायाव हरखाबै रुंसारि जाबाय। (□ 5 बिलाइआव)

गुवाहाटी, 29 अक्टबर: फैगौ  
15 नभेम्बरनिफ्राय गामि-गामि  
भेक्सिन थुनाय जागोन। बे  
खोथाखौ खौरगिरि मेलनि गेजेरजों  
फोसावो राइज्ज्योनि गिबि मन्थि  
उः हिमन्त विश्व शर्माआ। दिने  
खुंनाय कौरगिरि मेलनाय गिबि  
मन्थि शर्माआ बुडोदि कथिड  
भेक्सिन बिथिखियाव 95% सिम जों फोजोबनो हादों। राइज्ज्योयाव  
गासै 2 कौटि 76 लाख भेक्सिन होनाय जाबाय। जौनि थांखिया  
2 कौटि 10 लाखमोन आरो आथिखालाव बे थांखिसिम जाफुंसार  
महैरि सौहेनो हाबाय। बैसो जानाय सुबुंफोरा (□ 5 बिलाइआव)

फैगौ 15 नभेम्बरनिफ्राय गामि-  
गामि भेक्सिन थुनाय जागोन :  
उः हिमन्त विश्व शर्मा

दिने तामुलपुर बियाबआव सा 6  
बिजाथिफोरनि खाफालआ सायख'जासिगोन

बियाबआव मोन 322 भट मिरुआव सा 2,17,342 भटारफोर दं

बाक्सा, 29 अक्टबर: गाबोन  
एबा 30 अक्टबरआव बाक्सा  
जिल्लानि सिडाव थानाय  
तामुलपुरआव बिधान सभा  
बियाबआव उफ्रा बिसायख'थि  
खुंफुंजागोन। बियाबनि मोन  
322 भट मिरुआव गासै सा  
2,17,342 भटारआ भट होनानै  
बियाबनि सा 6 बिजाथिफोरनि  
खाफालखौ सायख'गोन।  
आथिखालआव जिल्ला सदर  
मुसलपुरआव गायसनाय स्ट्रूम  
लोगोनानिफ्राय बिसायख'थि



आयगआ थिसनाय प्रिसाइडिं  
आरो पल्लिं बिबानगिरिफोरा  
दावबायलांबाय तामुलपुरसिम।  
हंथा होनायआ गोमगो आरो  
गोजोनै खुंफुंनयनि थाखाय  
आथिखालआव खुंथाया

तामुलपुरआव सा 322 प्रिसाइडिं  
आरो सा 966 पल्लिं  
बिबानगिरिफोरखौ थिसदों।  
बेबायदिनो बियाबआव मोन 7  
मडेल भट मिरुजों लोगोसे मोन  
(□ 5 बिलाइआव)

बाक्सायाव हाग्रा  
बिफान मुर्दाबाद  
रुल'गानजों हेंथा  
सोमावसारदों

बाक्सा, 29 अक्टबर: बाक्सा  
जिल्लानि मुसलपुर महकुमायाव  
हाग्रानि मैदेरनि उतरखारि  
सोलिबाय थानाय समावनो  
हाग्रा बिफाननि हेंथायै दिने  
राइजो-राजाफोरा हेंथा  
सोमावसारदों। सानफोमबो  
हराव गिखानायजों उन्दुलाडै  
(□ 5 बिलाइआव)

कक्राझार सि आइ टिआव आगु सुबुंखाथि  
सान मावबादा सोलिगासिनो

कक्राझार, 29 अक्टबर:  
भारत सरकारनि लाइमोन अन्साइ  
आरो गेलोमु बिफान आरो  
आसाम एनएसएस रिजनेल  
डिरेक्टरेटनि बान्जायनायाव  
कक्राझारनि सेन्ट्रल इन्स्टिटुट  
अफ टेकन'लजि (सिआइटि)  
आव इष्ट जननि थाखाय  
एनएसएस आगु सुबुंखाथि सान  
पेरैड बादाया सोलिगासिनो दं।



बे आगु सुबुंखाथि सान बादाखौ  
थानाय समबाखालि बेखेवनाय  
जादों आरो फैगौ 3 नभेम्बरसिम  
बे बादाया सोलिबाय थागोन।  
बेखेवनाय हाबाफारियाव  
कक्राझारनि उफ्रा जिल्ला बैगिरि  
प्रदिप कुमार गुप्ताआ गाहाय  
आलासि महैरि बाहागो लादों।  
माननि आलासि महैरि एयारपट  
अट'रिटि अफ इन्डियानि  
(□ 5 बिलाइआव)

बासुगावआव  
डाकाइतआ गोबां  
लाख रां बेसेननि  
सुपारि खावदों

बासुगाव, 29 अक्टबर:  
राइज्ज्योआव उफ्रा  
बिसायख'थिनि सानसे सिगां  
चिरानि बासुगाव सोहोरनि बिखा  
गेजेराव मोनसे सोमोनांथाव  
जाथाय सोमजियो। पुलिसनि मुं  
नानानै हरनि समाव सा 7-8  
सो डाकाइतनि मोनसे हान्जाया  
50 लाख रानिखुइबो बांसिन  
बेसेननि सुपारिखौ लुथियो।  
बासुगाव मिउनिंसिपाल  
मावख'नि मोखाडाव थानाय  
कानाइया लाल सेथिया मुंनि  
फालांगिरिखौ खानानै  
(□ 5 बिलाइआव)

जाफुंसार साहा आबादारि टेन्जिं बड'सानि जिउ जारिमिननि  
सायाव सावथुन दिहुन्नायनि सुटिंआ सोलिगासिनो

कक्राझार, 29 अक्टबर:  
मुलुगनि गेजेरावनो मुंदांखा जानो  
हानाय सासे जाफुंसार साहा  
आबादारि टेन्जिं बड'सानि  
जाफुंसार जिउ जारिमिन आरो  
बिथानि जिउ दावबायनायनि  
सायाव मोनसे सावथुन  
दिहुन्नायनि खामानिया  
सोलिगासिनो। भारत सरकारनि  
फोरमायथाय आरो फोसावथाय  
बिफानआ बिथिं टेन्जिं बड'सानि  
जिउ जारिमिननि सायाव  
दिहुन्नाय सावथुननि सुटिंखौ  
खालामगासिनो। डकुमेन्टारि



बिथोनगिरि उः मुसुखा  
रामसियारिआ फोरमायनाय  
बादिब्ला बे सावथुनआ  
स्टारअफ इन्डियानि जाफुंसार  
(□ 5 बिलाइआव)

सल'जर'खायै ट्राइबेल  
इन्ट्रेफ्रेनासिभिनि सायाव बिथा  
खालामनानै दिहुन्नाय मोनसे  
सावथुन जागोन। मख'नाय  
जायोदि, टेन्जिं बड'साआ  
अर्गेनिक साहा आबाद मावनानै  
मुलुगनां मुंदांखा जानो हानायजों  
लोगोसे हाग्रानि मैदेर थानायनि  
थाखाय माखासे हाग्रा  
ओन्सोलखौ थाग्रा जायगा महैरि  
खालामनानै होदों। मुलुगनि  
गेजेराव बिथाड गिबि मैदेरजों  
लोगोयारि महैरि गावखौ  
(□ 5 बिलाइआव)

कार्बन रिसर्च प्राइभेट लिमिटेडआ गोर्बि थाखोनि  
फरायसाफोरनो रांखाथि अन्सुंथाय होदों

काजलगाव, 29 अक्टबर:  
चिरां जिल्लानि डालिगावआव  
थानाय कार्बन रिसर्च प्राइभेट  
लिमिटेडनि बाखनायथाव  
हाबाफारि। गोर्बि थाखोनि  
नख'रफोरनि फरायसाफोरनि  
थाखाय सोल्लोथाय लानाय  
बिथिडाव हेफाजाब होनो  
सिगांबोदों बे कम्पनीआ। दिने  
जिल्लानि सिडाव थानाय  
डालिगावनि कुकुस्मारिआव  
मोनसे हाबाफारि खुंनायनि



गेजेरजों कार्बन रिसर्च प्राइभेट  
लिमिटेड कम्पनीआ स्टुडेन्ट  
वेलफे यार स्किम 2021  
थामहिनबा फरायसा अन्साय  
बिथिंखि 2021 नि गेजेरजों  
(□ 5 बिलाइआव)



# भारत आरो नेपालनि गेजेराव रैखाथिजों सोमोन्दो गोनां आयदाफोरखौ लानानै जथुमदों

गोदान दिल्ली, 29 अक्टूबर : भारत आरो नेपालआ गावसोरनि रैखाथि नेपालनि रैखाथि हान्जाफोरनि गोहो दानायनि गोनांथिफोर आरो खैफोदखौ सामलायनायाव हेफाजाब होनाय बायदि मख'जाथाव आयदाफोरनि सायाव सावरायो। गुबुन हादतयारि बिफाननि बायदिब्ला, रैखाथि केसफोरनि सायाव 14 थि भारत आरो नेपालनि फारनैथिजायनि सावरायग्रा हान्जानि जथुमायाव नेपालनि सान्थिफोरनि रैखाथि केम्पफोरनि गोनांथि जानाय आयदाफोरनि सायावबो सावरायलायो। भारतयारि बाहागोखौ बिफाननि जुथाय सेक्रे टारि अनुरागश्रीबास्तबआव दैदेनो। बेराफार्स नेपालनि



शिष्टमन्डलखौ नेपालनि गुबुन हादतयारि बिफाननि जुथाय सेक्रेटारि तीर्थ राज बागलेआ दैदेनो। बे शिष्टमन्डलआव दैदेनो हादतफोरनि रैखाथि, गुबुन हादतयारि आरो नख'र बिफाननि बिबानगिरिया दंफायोमोन। बेयाव भारतयारि सान्थि आरो

नेपालनि सान्थिनि राजथान्दैयाबो दंफायोमोन।

सुलुंनि बायदिब्ला, नेपालनि सान्थि गाहाय जेनेरेल प्रभुराम शर्माया फैगौ दानाव भारतआव सान्थिनि थाखाय दावबायफैगोन। बे समाव बिथाड भारतनि गावजों समान

बिबानगिर् जेनेरेल एमएम नरयो, अखांमा सान्थि गाहाय आरो नेभीनि गाहायजों लोगो हमगोन। बिथाड 9 नभेम्बरव सान्थिनि थाखाय दावगायनो गोदान दिल्लीनि थाखाय रौना होगोन। बेयाव फेलायाव हादतगिरि रामनाथ कबिन्दआ बिथानो भारतयारि सान्थिनि मानदं जेनेरेलनि रैकजों मान बावगोन। बेनि गेजेरजों नेपाल के बिनेटआ थांनाय बृहस्पतिबास्खालि भारत, ब्रिटेन आरो अमेरिकानाव गावसोरनि गोदान राजथान्दैयाथौ थिसन्तो आर'ज गाबो। बे आर'ज गावनायनि सायाव बिथा खालामनानै शंकर शर्माया भारतआव नेपालनि गोदान राजथान्दै जानो हासिगौ। खौरां मन्थि गियान्द कार्कीआ मोनसे प्रेस बिबुंथियाव फोरमायनाय बायदिब्ला मन्थि आफादनि मोनसे जथुमायाव शंकर शर्माखौ भारतआव गियान चन्द्र आचार्यखौ ब्रिटेनआव आरो श्रीधर खत्रीखौ इडएनआव राजथान्दै महैर सायख'नाय जाबाय।

गोदान दिल्ली, 29 अक्टूबर : सा-भारतआव बारहावाआ सोलायलायनि महर लाबाय। बेयाव फुं आरो बेलासियाव बोथोरखौ सोलायनाय नुनो मोनबाय। अदेबानि भारतआव गुसु बोथोर जागायबाय। बोथोर बिफाननि मोनसे हमदां हानाय बायदिब्ला, बे बोथोराव हादतयाव गुसुआ खैफोद सोमजिगोन। बे खेबनि गुसुआ थांनाय माखासे बोसोरनि रुजुनायाव बांसिन जागोन। बोथोर बिफाननि बायदिब्ला, सा-सान्जा एसियाआव बे खेबाव गोबां गुसु गोरलैनो हागौ। हादतनि सा ओन्सोलफोराव बिदुड फैगौ सान्थिनि गेजेराव 3 डिग्रि से ल स य । स स स म दावखलायबावनो हागौ। सा सोनाब बारनि जाहोनाव दिल्लीयाव फैगौ सप्ताहसिमाव बिदुडा 13 डिग्रि सेलसियाससिम सौहैनो हागौ। फैगौ माखासे सानफोरनि गेजेराव बिदुडाव दावखलायबावगोन, जायजों गुसुसिन मोनोहागौ। अ दे बा नि



बिगियानगिरिफोरा गावसोरनि रावयाव बे सोलायनायखौ ला नीनानि गोहोमाव जायो होनानै फोरमायदों। बोथोरनि बे थासासिनि थाखाय लानीनाखौ दायनिगिरि होना फोरमायदों। प्रशान्त ओन्सोलाव ला नीनाआ आवगाय गासिनो दड। जरखायै बेनि ओंथिया बेनो सा ओन्सोलाव बिदुडा

सरसन्धानिफ्राय खम जागोन। बेनि गोहोमखौ उत्तर प्रदेश, राजस्थान आरो बिहारनि सायाव गोरलैनाय नुनो मोनो हागौ। बोथोर बिफाननि बायदिब्ला, बोथोराव सरसन्धा नडै महैर सोलायाखै। गुसुया अक्टूबरनि जोबनायाव आगान होफैबाय। थांनाय दानाव खोला आरो सा भारतनि रइज्योफोराव गोबां अखा

आरो बार बारो, जायजों बोथोराव हरखाबै सोलायनायखौ नुनो मोनो। बेराफार्स आथिखालाव बे बोसोरनि रुजुनायाव सिगांग्रो आगान होफैबाय। फैगौ सानफोराव सा भारतआव बिदुड थाबैनो खमायगोन। बेजों दिल्ली, हरियाणा आरो पान्जाब बायदि राइज्योफोराव गुसुया गोखौ जागोन।

## 2 लाख किल 'मिटार लामा फोनांजाबनायाव मदि सरकारआ जेनायाव गोरलैनांनो हागौ



गोदान दिल्ली, 29 अक्टूबर: मिरु सरकार 2022 सिमाव खालामनो गोनां महारियायि राजा लामानि फोनांजाबथाइ (नेटवार्क) खौ बारायनानै 2 लाख किल 'मिटारसिम बारायनायनि थांखि लाबाय। भारत सरकार आथिखालाव भारत माला, सागर माला, 23 गोदान ग्रीनफिल्ड एक्सप्रेस, मोन 9 इक'नमिक करिडर बायदि मेगा माव बिथांखिनि सायाव हाबा मावगासिनो दंब्लाबो एनएचएआइनि चेटारमेन आरो सोद्रोमाफोरनि मासिआ लांदां जानानै दं। मिरु सरकार थांनाय 1 बो सोरनि फ । य नो एनएचएआइनि बिबान

सोदांनायनायनि सायाव हाबा मावगासिनो दंब्लाबो दासिमावबो लादां जानाय मासिनि थाखाय बिबानगिरिखौ सायख'याखै। सरकारनि बेबायदि आखुखौ नोजोर खालामनानै लामा आरो हान्था-मेला मावख'नि नेहाथारि गिरधर आरमानेआ एनएचएआइ सियामेन्टनि एसअडि बेनकाटारमेनखौ हान्था-मेला मावख'नि बिबानगिरि होनायनि आर'ज गाबदों। बेफोर बायदि थासासिखौ नोजोर खालामोब्ला बुंनो हायोदि, दासिमावबो सरकार बे बिफानाव गोदाने चेतारमेन सायख'नायनि तियायि खालामाखै। लामा हान्था-मेला मावक'नि लेडाइ नेहाथारि

कमलेश चुतुबेदिआ ट्रेनि होगरा बिफान (फारसनेल एन्ड ट्रेनि) नि लेडाइ नेहाथारि श्रीनिबास रामस्वामिनिसिम 9 जुलाइ खालि लाइजाम लिरदोंमोन। लाइजामाव बिथाड बिफानाव मोनथाम गोजू थाखोनि मासि लांदां जानानै थानायखौ फोरमायनायजों लोगोसे एनएचएआइनि चेतारमेन शुखबिर सिं सन्धुखौ बिथानि उत्तराखण्ड केसआ केडारआव दैथायहर फिनायनि जानुवारी 2021 आव थांखि लानायखौ फोरमायहरो। 6 दान सम बारायखानायनि उनाव बिफानाव चेतारमेन्टनि मासि लांदां जानाय जेनाखौ फोरमायो।

गोदान दिल्ली, 29 अक्टूबर : मिरु सरकार फैगौ नभेम्बरव करना भेक्सिननि 30 कौटि ड्रपखौ बायगोन। सरकारि सुलुडा फोरमायनाय बायदिब्ला, बेयाव 6 कौटि भारत बायटेकनि कभेक्सिन 22 कौटि सिराम इन्स्टिटुट अफ इन्डिया कभिशील्ड आरो 2 कौटि जायडस केडिलानि जायकभ डि आ थागोन। बे खौरांखौ एनआइआ थांनाय बृहस्पतिवार खालि मावख'यारि सुलुनिफ्राय मोनो। खौरांनि बायदिब्ला, नभेम्बरआव जायडस केडिलानि जायकभ डि नि बेसेनखौबो मिथिनो मोनगोन। बेरा फार्स कभिशील्डनि मोनसे ड्रपनि गेजेराव फारामथिखौ खम खालामनायखौ लानानै आथिखालाव जेबो बिथांखि गैया। 2 नभेम्बरनिफ्राय मिरुआ करना भेक्सिन थुनायाव गोखैथि लाबोनो



थाखाय मोनसे हाबाफारि मावनो जागायसिनो। बे बोसोराव 16 जानुवारीनिफ्राय जागायनानै भेक्सिन थुनायनि हाबाफारिया दासिमाव 286 सान जाखांबाय आरो भारतआ

104 कौटिनिखुइ बांसिन भेक्सिन थुनायनि अन्जिमाखौ बारहोबाय।

मिरुयारि सावस्त्रि मन्थि मनसुख मान्डीबियायि बायदिब्ला भारतनि 77

जौखोन्दो बैसो गोरा थागिबिफोरा करना भेक्सिननि गिबि ड्रपखौ लाबाय। बेराफार्स 32 जौखोन्दो थागिबिफोरा भेक्सिननि मोननै ड्रपखौ लाबाय। बिथानि फोरमायनाय बायदिब्ला, 10 कौटिनिखुइ बांसिन सुबुंफोरा भेक्सिननि नैथि ड्रपखौ लायाखै। जाय सुबुंफोरा नैथि ड्रपनि थाखाय बानजाय जाथाव जाबाय बिसोर ड्रपखौ लानांगौ। मख'नो गोनांदि, सरकारा लासै बैसो गोराफोरनो टिका थुनायनि सायाव नोजोर लाखिगासिनो दड। बेनि थाखाय नख'रफोमावबो हाबाफारि जागायगोन। बेयाव 30 नभेम्बरनिफ्राय गिबि टिका थुनाय थांखिखौ जाफुंसारहोनांगौ।

## आमेरिकाया चीननि हेंथायै 2000 निबो बांसिन संगालि खालामनायनि मिसन सामलायदों

गोदान दिल्ली, 29 अक्टूबर : आमेरिकानि दावहारु गाथोन आरो उरां सोलिफु बोसोराव चीनखौ थांखिनानै 2000 निबो बांसिन संगालि खालामनायनि मिसन सालायदों। चीननि पिप्लएनि खावसे नायबिजिरिगिरिफोरा चीननि रैनियानि मोनसे मेलेटारि कनफारेन्सआव बेनि सोमोन्दै मिथि होयो। नायबिजिरिगिरिया फोरमायनाय बायदिब्ला आमेरिकानि बेफोरवादि संगालि खालामनाया चीननि खुंथायारि रैखाथिनि थाखाय गिथावना थासासि सोमजिहोयो। पिप्लएनि एकाडेमि अफ



मेलेटारि साइन्सआव नायबिजिरिगिरि काअ'यानजं आ फोरमायनाय बायदिब्ला, आमेरिकाया मिसननि गेजेरजों

चीनजों सामलायजानाय द्वीप आरो खोला चीननि जेनागोनां लैथोमानि ओन्सोलाव नोजोर खालामबोदों। आमेरिका आरो

चीननि गेजेराव आथिखालनि सोमोन्दोया सिगांनिफ्राय जेना गोनां सिन थासासियाव फैबाय। दरनैबो हादतया फालांगिजों

लोगोसे गोबां बिथिडवनो जेनाजों भुगिनायना दं। जेना गोनां खोला चीन लैथोमायाव बेइजिं रौनियानि गोखौ आखु दिन्थिनय आरो हंके, तिब्बत आरो शिनजियाव राइज्योनि सुबुंमोन्थायखौ लानानैबो दरनैबो हादतनि गेजेराव जेनाया बांबोगासिनो। चीनआ खोला चीननि लैथोमायाव गावसोरनि खुंथायजों आबुडेनो दैदेनो हास्थायो। जेराव बेनि हेंथायै भियेतनाम, मालयेसिया, फिलिपिन, ब्रुने आरो ताइवाननि हेंथायै गसंखांबो गासिनो दं।

गोदान दिल्ली, 29 अक्टूबर : आबाद बिफानआ करना बोथोराव पजिटिभ ग्रथखौ दिखानानै भारतनि रांखाथि बेबस्थाखौ रैखा खालामबाय। नाथाय आबादारिफोरनि सुइसाइड जानाय केसआव खमायनायनि सोलायै बांनायखौ नुनो मोन्नाय जादों। आबाद बिथिडव 2020 जों 2019 नि रुजुनायाव बांसिन सुइसाइड जानायनि अन्जिमाखौ नुनो मोन्नाय जादों। एनसिबिआरबिनि रिपर्टनि बायदिब्ला आबादारिफोरनि सुइसाइड के सआव 18 जौखोन्दो बारायबाय। थांनाय 2020 आव आबादनि बिथिड सा



4006 सुइसाइड जानायजों लोगोसे महारास्ट्रआ बे फारिलाइयाव जौसिन जायगायाव थाबाय। बेनि उनाव कर्नाटक (2016), अन्ध्र प्रदेश (889), मध्य प्रदेश (735) आरो छत्तीसगड

(537) आवा गासै 10,677 सुइसाइड जानायखौ दिखानो हायो। बेयाव महारास्ट्र कर्नाटक, अन्ध्र प्रदेश आरो फारिलाइयाव टप 4 राइज्योमोन।

# लिमारिक

(1)

आगै रना नों बेसे समायना!  
नों आंनावनो खारस'न फैगोना?  
आंबोथ' लागोन्ना देग्लायनोखा,  
नोंबोथ' बिनि थाखैनो फाग्लिखा।

(2)

आंनि गोसो थोनाय अनजालिया जाबायनो सोरजोंबा,  
बेखौ सानै-सानैनो जावलिया जालायबाय आंबो जाम्बा-जाम्बा।  
आंहाबोसो गैया नालाय गंसेबो साइकेल, मटर-गारि,  
आथा-खिथा जाम्बिया खेवसेल' गाखोनो मोननायखौनो गारि।

(3)

बुडे आंखौ लोगोफ्रा मैथा खावब्ला,  
नुनायावबोसो आंनि महरा गुरब्ला-ब्ला।  
जाबाय नालाय आंबो सासे सेंग्रा मोल्दा,  
गोसो थोनायावबोसो गर'न्थ' गैयै जानल्दा-मोनल्दा।

(4)

जों लागोनिताइ सेंग्रा मोल्दाफोर,  
एदावनाय-जंखायनाय दा-जुजि नोंसोर सिख्लाफोर,  
हाया-हाखायाबो, रावबो हाखाया जों-जों,  
थाबायनाय सासेबो सिख्लाफोरनो बारग' आ जोंनि लामा  
सेराजों।

(5)

गोसो थोनाय बेरामालाइनो गानो रोडै बेराम,  
गोसो थोलायग्राफ्रा बेखौनो सानो जोबोद आराम।  
बुजिनानै, मिथिनानै आरो सानानै नोंसोर लाखा,  
नडब्ला मोनजागोनबो मोजां-मोननायनि फिथायाबो गोखा।

अतुल राज नाजीरि  
थाखो- कलेज  
गामि- जाम्बुगुरी

# सिमांनि अनजालु

सोर नों अनजालु रजे  
साया माया आंजों अराय गेलेफैयो  
नाथाय सिमांआव ल मोकथांआव  
मोना मानो नोंखौ।  
सानो आं नोंजों लोगोसे जिरायना  
फोरमायनो गोसोनि खोथा  
गोदै रावजों।  
नोंनि जारौ गुस्थनि मिनिखैरो  
मिनिनाइआव जायो आदि बेसे  
बोदोर बावलि।  
हास्थायो आं नोंखौ अराय  
मोननो मोकथांआव  
फैमाल नाथाय साननाया आंनि  
खालामबाय अनजालु नों आंखौ  
अरायबो सिमांनि फागोलि।

मिस मिजिं रानी नाजीरी  
फक्राझार गाल्स एड्स एस स्कुल  
गामि: गाग्रगुरि

# गोसो थोनाया मा ?

नुफा माफा नुसै बिनि महरखौ  
जेरावखि थाया साया माया,  
बुजि मोना आंबो  
मानि माया बेलाय ?  
आंनि मेगनआवल' बिनि महर  
जाखौफैयो नामा अराय सम,  
जानाय, लौनाय, उन्दुनाय  
सिमां मोकथां जेरावखि थाया।  
आंनावल' ? ना गुबुननावबो,  
नड नड बे जानो हाया  
जोनोमाव बयहाबो जिउनि  
बुंनो सासे थायो।  
आंनि मेगनावल' बेयो नड,  
बयनिबो मेगनाव बिब्दिनो  
जिउनि अनजालु अनजालिनि महर मुश्री।  
बुजि मोना आं  
गोसो थोनाया मा ?

मिस पद्मिनी नाजीरि  
के.जि. एड्स एस स्कुल  
गामि- काकरमारी

# अननायनि दौलें

जोनोमनि नेबे थांजासिम होनानै,  
सानदोंमोन आं गोजोनै थानो हागोन,  
गैया नाथाय आंहा गोजोनै।  
अननाय मोजां मोननाय दंब्लाबो,  
दुखु दाहानि गेजेरजोंसो।  
जिउनि लाइमोन बैसोआवनो  
होफ्लांबाय आं नोंनो अननायनि दौलें।  
लांनबाय आं दुखु दाहा  
गोरबो सिनिफ्राय बोहैनाय  
जिरि जिरि मोदेनि निजोरा  
राहा गैया हमथा हानो आंहा।  
आंनि मेगननिफ्राय बोहैनाय मोदैआ,  
जानांगो अननायनि रुगु गैयै लैथोनिखा।  
दड अननायनि मिजिनि सायाव आंहा,  
हँथा हिंसि दावराव दावसि दुखु-दाहा।  
रंजानाय मिनिनाय गैया आंहा,  
हांमा हांसानि गेजेरजोंसो मिजिं दं.  
आंनि लायमोन बैसोखौ बिदाय हरनो,  
अब्ला हरनाय मोननाय नडमोन।  
गोरबोयाव बोहैनाय नडमोन मोदेनि निजिरा  
अननायनि गोदै रावा जाफुंडेब्ला मिजिनि  
सायाव,  
मोनगौमोन दिने सुबुनिफ्राइ बाखोनयनाय,  
गोरबोयाव बोहैगौमोन सुखुनि मोदै।

समेन नाजीरि  
जोंमा बड फरायसालि  
प.अ. - पाटगाव

# रंजालि गथ' फोरनि सौरा

## नों फैफिन माब्लाबा

-जनक उजिर

नोंदि एरायलांदो  
दोंसे लामाजों गले-गले  
बाइदि समाइना गोदै रावफोरखौ  
आंदि दोनखोमा फिन्नाडो।  
माब्रैथो सानखो नों  
जेसेखि नों होखोमाया  
नोंनि मुश्रीयानोथ' हनै बुडो  
बिदिब्ला आंनि दाइया ? ? ?  
आं मिथिगो नोंनि बिखाया  
इनाइखौदि इसेबो सहाइया  
बेखाइसो नामा नों  
आगानफ्रामबो दग' -मग' !!!  
बाइराब गंसे देरायावनो  
बिमाजों उन्दुबोनाइ उप्ले-उप्ले  
फुथिया-फुथिया सोलोनोनाइ  
सानेजों अ,आ बिमानि राव  
दाखालिसो बे देरायावनो खोनसंनाइ  
दुखुनां बडनि जारिमिन सल'  
दिने गोसो गैयाब्लाबो  
मानोबा नों बावगारनो सानो।  
नंखाइ दाइयाव बोरावप्लेनानै  
मँगिललायोल' जों सानैजों !!!  
थेवबो फैसि-फैसिल' आं बेयो  
बाइप्लेनाइ देराखौ फाहामफिन्नो  
जेराव थागोन नों-आं आरो.....।

## आगै स'ना द्दरे फांदां

नोंनि हायना गोनां  
महरआव आवलिबाय  
आंनि गोसो गोबोंआ।  
आदै मद, जान्जिया नोंनि  
मोज्लाय जान्जि, गथंआ  
नारेंसु बायदि, खावलाय  
नोंनि गोजा फाउदुद जागा  
जागा आंखौ खुदुमफै आदा  
आंखौ खुदुम होनलायनाय  
बिखा गोजौ गोजौ, हाथायआ  
रिगि रिगि समायना गुफुर,  
खानाइआ नोंनि रुमबां,  
आखाइआ लाहि मिहि,  
गोदोना फेले आसिगुर  
गोलाउ, रावआ नोंनि  
बेरे बिदै बादि गोदै गेमेम।  
मा एसेबां समायना आगै  
नोंलाइ  
नोंखौ बे जोनोमाव मोनाब्ला  
सामथाइ बिफांआव दिन्दां  
गोदोनायाव दौलें लागायनानै  
थैगोन आं सयथि  
सयथि थैथारगोन  
स'ना फांदां।

भदेस्वर सर्गीयारी  
सालबारी कलेज  
ला:सो:- बेतबारी  
जिला-बागसा, बड'लेण्ड

# गोरिब सुबुनि मोजां मोननाय

मोजां मोनदोंमोन आं  
नोंखौनो गोबों बिखाजों  
गोसो गोबोंनि अननायखौ  
नोंनो नो होजोब दोंमोन आं।  
आंनि अननाय होनाया  
नोंनि थाखाय थोयै-लोमै;  
गोसोम महर लाना जायो नों  
आंजों मानिबा रागा-रागा।  
आंनि दुखु दाहानि खौरां फोरमायो  
नाथाय नों मिनिनानैनो खोमाखौ  
फाथेयो,  
आंनि अननाय होनायखौ  
नेवसिबाय नों आंखौ-  
गोरिब सुबुं होननानै।  
दुखु थाबाय आं अनजालि  
नोंजों बे जोनोमाव जुलि जानो,  
सा-सात्रां गोसोजों नोंखौ  
मोजां मोनदों होननानै-  
आं सानाखैमोन अनजालि।  
नोंनि आंनि दानदिसे मोजां  
मोननायनि रावआ आंनि-  
बिखायाव बावनो हायै  
थपला खानानै थाबाय अनजालि  
बे आंनि गोरिब जिउआव।

उपेन्द्र बसुमतारि  
जायनारि एड्स एस स्कुल  
ला:सो:- सिम्बरगाव  
जिला- कक्राझार, आसाम

# नागिरनांगौ

लाल महन बसुमतारी  
( बिजनी )

बे मोनसे थुनलाइनि धोराम  
मुलुगाव दावगाख'नो हायै  
हारि-माहारिनि राव-थुनलाइखौ;  
बै गोजौयाव दावगा लांनयफोरा-  
गाहाम नोजौरै.....  
लोगोयाव लामा दोंसेयाव सौहैनो नाजानांगौ।  
नागिरनांगौ थांखिया जौनिना,  
गोहो सोनायखौ.....  
मोनसे हादोतनि सुबुं अनछाइ राहानि  
बिजिरथि फारिलायखौ.....  
जाहाथे बैसोरनि सोलेंथाया अनगोथे जाया;  
सिमानि गेजेराव अनसुंथायनि मदद मोन्नाया गाहाम।  
नागिरनांगौ सोलेंथाइनि राहा  
बेयो मुलुगनिनो मोनसे गिदिर बाहा;  
जेराव बिदै गलानि ओंथियाव.....  
गोबां दुखु-जालां सहायनांगो जानायाव,  
मोनसे हारि-माहारिल' नड  
दुलाराय मुलुगआनो जिंगा सिनांगौ जायो।  
मुलुगनि देरसिन बिमुड मा ?  
गुबुन-गुबुन हारि-माहारिनि राव,  
बेनि गेजेराव सोलेंथायनि समायना दाव,  
मुलुगनाडै गावनि महरखौ लानानै बिरलांगोन,  
बयनिबो नोजोराव जेब्ला गोलैगोन,  
गाहामखौ नागिरसुला सासे सोद्रोम सुबुं जानो नाजाथारगोन।  
गुबुन-गुबुन रावनि गनायथि मोन्नाय  
दावगानाय-गावगायै थुनलाइ  
बेयोथ' अराय मुलुगाव.....  
सोदोमसि गोनां हारि-माहारि,  
जौगाखां खालामनायनि थुलुंगा नागिरनांगौयाव,  
हिंसा-नासयनाय नागरानानै खौसेथियाव फैनो नाजानाया गाहाम।  
हारिमा खौसेथिखौ जेरै नागिरनांगौ  
बेबादिनो थुनलाइ मुलुगावबो सौहैनो लुबैनांगौ;  
बेवहायनो सुबुंफोरनि गोसो गोबों होलायनो हानाया,  
दुखुनांथाव संसारनिफ्राय सोलाय-सोल' सोदोमसिजों,  
थुनलाइ आयदायाबो.....  
मुलुग गोजोनलाय आयदानि बिबान नागिरै-नागिरै संलांगसिनो।

# मबाइल

मदन चन्द्र ब्रह्म  
बंसिगाव

आंनि मुड मबाइल  
आं मानसिफोरनि मोजां लोगो  
जाय आंखौ बाहायो बियो  
सानफ्रोमबो सानसे आंखौ बाहायनो,  
मोनाब्लानो गोसोखौ खेंखुर-खेंखुर  
मोनबाय थानाय बायदि मोनो।  
आं गोबां खेलाबो गेले जायो,  
जेरै मानसिनि सावगारि, बायदिसिना  
रोखोम-रोखोम सावगारि सेबखानाय,  
मोजां-मोजां, बर' केसेट, हिन्दी केसेट,  
इराजी केसेट, असमीया केसेट, बांला  
बायदि बायदि गानजों लोगोसे,  
मिउजिक फोरखौबो आं सेबखाना  
लानानै मानसिफोरनो खोना संहोनो हायो  
आं बिगियान मुगानि मोनसे बिगियाननि  
गोमोथाव होनाय होथाय।  
आं दिने सुबुं माहारिनि गेजेराव  
उजिनानै आंनि बिसुगे बादि  
खालामनानै लानो साननायानो  
आंनि गुबै मिजिक आरो थांखि  
आं मानसि माहारिनि खाथि, गोजान,  
मटर, गारिजों सानसे, साननै, सानथाम,  
बेनि बांसिन समनि गेजेरावबो  
खौरां होनो हायैखौ आं गोरलैयैनो  
खम समनि गेजेरावनो खाबुखौ होनो हागौ।  
आं मबेबा मबेबा टावार गैयै जायगायाव  
नाड लासैबो थानो हायो।  
आंखौ मोजाडै बाहायफुंनोब्ला खाथि  
गोजान टावार गायसननानै  
होब्लानो आं गासैबो जायगानि  
सुबिधाफोरनि राहाखौ मानसिफोरनो जगायनो हायो।  
आं दिनेनि बे मुगायाव सेंग्रा सिख्लाफोरनि  
साबसिन लोगो जाबावबाय।  
आंनि दारैनो नों बबे जायगायाव दं  
होनना सोंब्ला, आं नै बे गौरां सेरावनो  
दं होनना गुबुननो फोरमाय हरनो हायो।  
आं सेंग्रा-सिख्लाफोरनि गोसो थोलायनायनि  
सुबिधानि लामाखौबो होनो हायो,  
आं सारा बुहुमखौनो साग्लोबनानै  
जानो हाब्लासो आं गोजोनगोन।  
फै आंनि खाथियाव सनाफोर  
आं होगोन सुबुं माहारियाव  
अरायबो मुलाम्फा आरो मदद।

# साइबार सेकुरिटिनि सायाव सांग्रांथियारि सावराय मेल खुंदों

कक्राझार, 29 अक्टूबर:  
दुलाराइ मुलुग नाडै  
टेकन'लजि मुगाया  
आथिखालआव सोरजिजाबाय।  
बे आयदायावनो कक्राझार  
नेलिटा साइबार सांग्रांथिनि  
थाखाय सावराय मेल खुंदों।  
थानाय बुधबारखालि  
कक्राझारआव थानाय भारत  
सरकारनि फसंथान नेसनेल  
इन्स्टिटुट अफ इलेक्ट्रनिक्स  
आरो इनफरमेसन टेकन'लजि  
(नेलिटा)आ मिरु सरकारनि  
इलेक्ट्रनिक्स आरो आइटि  
बिफानआ फालिनाय साइबार  
सेकुरिटी सांग्रांथि दानखौ  
लानानै हिन्जावसाफोरनि  
गेजेराव साइबार सांग्रांथि  
लाबोनायनि सायाव सावराय  
मेल खुंफुंदों। फसंथाननि  
गाहाय बिरोंदामिन बिबानगिरि  
कमल कुमार बागलारीआ  
बाहागो लानानै नुजाथि फैनाय  
आलासि हिन्जावसा  
फरायसाफोरखौ बरायनानै  
सावराय मेलखौ बेखेवनानै  
हायो। बे मेलयाव फसंथाननि



बिबानगिरि डू बिपुल राय आरो  
डू राना शर्मा सामलाय  
मावख 'बिबानगिरिमोनहा  
नुजाथिफैदोंमोन।हिन्जावसाफोरनि  
गेजेराव साइबार सांग्रांथि  
लाबोनायनि सावराय मेलयाव  
एटिएम, मबाइल, अनलाइन  
फालांगि एबा बाहायनाय, व्हाट्स  
एप, फेसबुक बायदि सशेल  
नेटवार्किं आरो डिजिटेल  
पेमेन्टआव माबोरै साइबारनि  
खैफोद जायो बेनि सोमोन्दे  
सांग्रांथियारि लाबोनायनि

सायाव गुवारै सावरायलायनाय  
जायो। बड'लेन्ड मुलुग  
सोलोंसालिनि कम्पउटार  
साइन्स आरो टेकन'लजि  
बिफाननि गाहाय बुंथिगिरि डू  
मनज डेकाआ गाहाय आलासि  
महरै बाहागो लानानै सोलु  
सोंनाय बादायलायनायनि  
देरहानाय फरायसुलिफोरनो  
बान्था रानानै होयो। मनज  
डेकाआ लोगोसे माबोरै  
आर्टिपिचियेल इन्टिलिजेन्स  
बाहायनाय माखासे रोखा खामानि

मावनो हायो बेनि सोमोन्दे  
गुवारै फोरमायथियो। बे  
सांग्रांथियारि लाबोनाय सावराय  
मेलयाव कक्राझारनि माखासे  
फरायसालिमा, बड'लेन्ड मुलुग  
सोलोंसालि, सिआइटिनि  
फरायसुलिफोर बाहागो लादों।  
फसंथाननि आइटि फोरोंगिरि  
मुस्लिमा उदिपता कलिताआ  
जोबधारनायाव बयखौबो  
साबायख'र बावनानै सावराय  
मेलनि सायाव बायदि बिबुंथि  
होनानै थुंगेहोयो।

## दारि-ख ‘मानि थद ‘नाय गैयाजासे उ॰ हिमन्त बिश्व शर्मानि सरकारा मावफुंगोन आसाम ..

आसामनि सायाव असमीया सुबुंफोरनि मोन्थाय गायसन्नायनि थाखाय गुबुन गुबुन थांखि आजावना लादों । हा-हु सोदंनाय, दख ‘ल खालामनायखौं होखारनाय, सत्र-मन्दिर बायदिनि हा-हुखौं बोखानायजों लोगोसे गुबुन गुबुन रोखोमनि राहा रइज्यो सरकारा आजावना लादों । रइज्योनि बिजेपिनि गाहाय मावखुलि अतुल बिहारि बाजपेयी भवननिफ़्राय खौरंलाइयाव दैथायहरनाय रदाब बिबुंसारव गाहाय बुंथिगिरि रजिब कुमार शर्माआ रदायखौं मावफुंनार्यनि बिथिंआव बिजेपि दोलोनि बिबाननि बाश्राखौं मख ‘नानै बेबायदि बुंथिदों । बुंथिगिरि शर्मानि बादियै १९८५ माइथायाआवनो मुंसाइनाय आसाम रदार्यनि मोनफ़्रोमबो दफ़ा मावफुंनार्यनि बिथिंआव बिजेपि दैदेन्नाय सरकाराल ‘मोगथांआरि थांखि आजावना लाबोदों । बे बिथिडव अतुल बिहारी बाजपेयी दैदेन्नाय मिरु सरकारजों लोगोसे नरेन्द्र मदि सरकार आरो रइज्योनि सर्बानन्द सनवाल आरो उ॰ हिमन्त बिश्व शर्मानि दैदेन्नाय रइज्यो सरकारा बांसिनथारै गोसो होबोदों । आसाम आरो असमीयानि सान्थौफोरनि दलिल आसाम रदायखौं कंग्रेस बादि बिजेपि दोलोआ माब्लाबाबो गोहैलु खालामाखै होन्ना बिबुंसारव मख ‘दों । मख ‘नो गोनांदि, आसाम रदायनि दफाफोरखौं मावफुंनार्यनि थांखिजों थानाय ७ सेप्टेम्बरआव मान गोनां गिबि मन्थि उ॰ हिमन्त बिश्व शर्मानि आफादगिरि मासि सामलायनायाव आसाम सरकार आरो दुलाराय आसाम फरायसा आफादनि दैदेनगिरिफोरजों मोनसे गोनांथार जथुम खुंफुंदोंमोन । बे सानआ जारिमिनारि रदायनि दफाफोरखौं मावफुंनार्यनि बिथिडव नांगौबादि थांखि आजावना लानार्यनि थांखिजों मन्थि अतुल बर्यनि आफादगिरि मासि सामलायनायाव मोनसे उफ़्रा आफाद दनाय जादों । बे थांखिनि लान्थियै मावफुंनार्यखौं रैखा खालामनानै गुवाहाटीआव थानाय आसाम रदाय मावफुंनाय बिफाननि मावखुलियाव उफ़्रा आफादनि गिबि मेलखौं २८ अक्टबरनि सानआव मन्थि अतुल बरानि मासि सामलायनायाव खुंफुं जायो । आसाम रदायनि दफाफोरखौं रोखायै मावफुंनार्यनि बिथिडव मोनसे मोजां बिथांखि लानाय फ़्रेमवार्क थियारि खालामनार्यनि सोमोन्दीयाव जथुमआव सावरयलायनाय जादों । फ़्रेमवार्क थियारि खालामनार्यनि खामानिफोरखौं गोख्रों खालामनो मोनफ़्रोम १५ साननि गेजेराव उफ़्रा आफादआ नेमबादियै जथुमआव गोरोबलायनार्यनि थाखाय गिबि जथुमआव थांखि लानाय जायो । १२८ अक्टबरनि सनआव खुंफुंजानाय बे गोनांथार जथुमआव उफ़्रा आफादनि सोद्रोमाफोर फारियै-मन्थि अजन्ता नेग, आसुनि गहाय बोसोनगिरि उ॰ समुज्जल भत्ताचार्ज्य, आफादगिरि दिपांकर नाथ, गहाय नेहाथारि शंकरर्यति बरुवा, आसुनि बोसोनगिरि सारनै फारियै प्रकास चन्द्र दास, उद्दिफ़्यति गगैमोनहा नुजाथि फैदोंमोन । बेनि अनगायै जथुमआव आसाम रदाय मावफुंनाय बिफाननि कमिसनार नेहाथारि ग्यानेन्द्र त्रिपाटी, जर ‘खा मावबिबानाव थानाय बिबानगिरि जयन्त कुमार गस्वामि आरो आसाम सरकारनि लेडइ नेहाथारि जि.एस. पानेसारमोनहा नुजाथि फैदों ।

## गसाइगाव जिल्ला बिसायख ‘थि बिबानगिरिआ साफ़्रोमखौबो भट होफैनो खावलायहरदों ....

गाव-गावनि इभिएम मेसिन लानानै भट मिरुआव नुजाथि फैबाय । फोरमान बादियै बियाबआव मोनै मडेल भट मिरु आरो मोनै आबुडै आइजोफोरजों सामलायजानाय भट होग्रा मिरुखौ लानानै गासै मोन २८५ भट होग्रा मिरुआव सा १०७१ पलिं आरो सा ३५७ प्रिसाइडिं बिबानगिरिफोरखौं थिसन्नाय जादों । बेनि अनगायैबो बिसायख ‘थि हाबाफारिखौं गोजोनै खुंफुंनार्यनि थाखाय नांगौबादि रैखाथि मावफारियाफोरखौं थिसन्नायजों लोगोसे गिथावना भट होग्रा मिरुआव गोख्रों रैखाथि राहा लादों होन्ना महकुमागिरि आरो जिल्ला बिसायख ‘थि बिबानगिरि रहलु कुमार गुप्ताआ फोरमायथिदों । मख ‘नो गोनांदि, सा १७६९२ आइजो आरो सा १२९६६ हौवा भटारफोरजों लोगोसे सानै थामथि आथोननि भटारफोरजों लोगोसे गासै सा १९०६४० भटारआ बियाबनि सा ८ बिजाथिफोरनि खाफालखौं सायख ‘गोन । बिजाथिफोरा फारियै बिपिएफनि बिजाथि ध्रुव ‘ कुमार ब्रह्म नार्जरी, कंग्रेसनि जुवेल तुदु, एआइइडिएफनि खाइरूल आलाम कन्डकार, इडपिपिएल आरो जुथाय दोलोनि बिजाथि जिरन बसुमतारिमोनजों लोगोसे साब्रै उदां बिजाथि फारियै- उत्तम तालुकदार, कमल राय, उसमान गनी सेइक आरो आब्दुल हासेन आकान्ड ( भटारस पार्टी इन्टरनेसेनेल ) । गुबुन फारसे जेराव जायखि-जाया रोखोमनि उतरखार, दावराव-दावसि जाथाय सोमजिया बेखौं लोब्बा लानानै नांगौ बादि पुलिस आरो मिरु रैखाथि हान्जानि रैखाथि मावफारियाफोरखौं थिसन्नायजों लोगोसे मोनथाम प्लाई स्कंयाड, मोनै भिएसटि ( फिडिय सार्थिलेन्स टीम ) हान्जा, मोनै भिभिंफिटि हान्जा ( फिडिय भेरिपाई टीम ), मोनथाम एसएसटिनि हान्जाफोरा गासै समावनो थियारि जानानै दं होन्ना मिथिनो मोन्नाय जादों । मख ‘नो गोनांदि, महकुमागिरि रहलु कुमार गुप्ताआ बियाबनि थागिबिफोरखौं भट होनो थाखाय आंखारबोनो खावलायहरदों ।

## दिनै तामुलपुर बियाबआव सा ६ बिजाथिफोरनि खाफालआ सायख ‘जासिगोन

७ आइजोफोरा सामलायनाय भट मिरु थागोन । गुबुन फारसे, गोग्मो दावराव-दावसि गैयै आरो गोजोनै भट होनाय हाबाफारिखौं खुंफुंनो पुलिस आरो मिरुआरि रैखाथि हान्जाफोरखौं थिसन्नाय जाबाय । मख ‘नो गोनांदि, बियाबनिफ़्राय इडपिपिएलनि जलेन दैमारी, कंग्रेसनि भास्कर दाहाल, जिएसपिनि ब्रजेन्द्र नाथ डेका, भि पि आइनि राजकुमार बर’मोनजों लोगोसे उदां बिजाथिफोर फारियै गनेश कछारी, आरो जसबन्त सौहानमोनहा बादायलायगोन ।

## दिनै मोन ५ बियाबनि उफ़्रा बिसायख ‘थिनि भट ...

एआइइडिएफनिफ़्राय काइरूल अनाम कान्दकार, उदां बिजाथि महरै फारियै- उत्तर कुमार तालुकदार, कमल रय, अस्मान गानी सेक आरो आब्दुल हासिम अकान्ड । बेबादिनो ४१ भवानिपुर बियाबआवबो सा ८ बिजाथिफोरनि गेजेराव बिसायख ‘थि बादायलायगोन । बिसोरनि गेजेराव दं फारियै- बिजेपिनिफ़्राय पनिथर तालुकदार, कंग्रेसनिफ़्राय शैलेन्द्रनाथ दास, एआइइडिएफनिफ़्राय जुब्बर आलि, रड मेप पार्टिनिफ़्राय मेरिजुल हक, भिपिआइनिफ़्राय सिबेन दास, उदां बिजाथि महरै सावकात आलि आहमेद, खाम्फ़ा खुंगुर गयारि आरो आरिफुल इस्लाम । ५८ नं तामुलपुर बियाबआव सा ६ बिजाथिफोर फारियै- कंग्रेसनिफ़्राय भास्कर दाहाल, जिएसपिनिफ़्राय ब्रजेन्द्र नाथ डेका, इड पि पि एलनिफ़्राय जलेन दैमारि, भिपिआइनिफ़्राय राजकुमार बर’, उदां बिजाथि गनेश कसारि आरो जाक्वन्त सौहानमोननि गेजेराव बिसायख ‘थिनि दावहाया जागोन । बेबायदिनो १०१ नं मरियनि बियाबआव सा ४ बिजाथिफोर फारियै- बिजेपिनि बिजाथि रुपज्यति कुरमि, कंग्रेसनि बिजाथि लुहित कनवार, असम संग्रामि मन्सनि गपाल चन्द्र घातवाल आरो उदां बिजाथि सन्जित गगैमोननि गेजेराव जागोन बिसायख ‘थिनि दावहाया । १०७ नं तावरा बियाबआवबो सा ५ बिजाथिफोर फारियै- बिजेपिनि बिजाथि सुसान्त बरगहाइ, कंग्रेसनि बिजाथि मनुरन्जन कँवर, सिपिआइनि बिजाथि कृष्णा गगै, उदां बिजाथि दैज्य कँवर आरो लुहित गवालानि गेजेराव बिसायख्थिनि दावहाया जागोन । बे बिसायख ‘थिखौं खुंफुंनार्यनि थाखाय गोनांथि जानाय गासै राहाफोरखौं थियारि खालामनाय जादों । आइन आरो आब्रुथिखौं गोख्रोडै नोजोर लाखिनो आरो रां बाहायनया बायदि आयदाफोरनि सायाव नोजोर लाखिनार्यनि थाखाय हादतनि बिसायख ‘थि सामलाय आफादआ इक्सपेन्डिसार अबजाभार, पुलिस आरो बिबानगिरिफोरखौं थिसनखानाय जादों । बेजों लोगोसेनो बिसायख ‘थिनि भट सोनाय समाव मोनफ़्रोमबो भट मिरुफोराव कभिड-१९ नि प्रटकलफोरखौं गोख्रोडै मानिनानै सोलिनो आरो नोगोरारिफोरनि गावबा गावनि बेसेन गौसा भटखौं होनार्यनि सायावबभो एस भि इ इ पिनि आवथयाव सांग्र्राथियारि हाबाफारि खुंनाय जादों । बिसायख ‘थि सामलाय आफादआ मोनसे फोसावथिनि गेजेरजों फोरमायनाय बादिब्ला मोन ५ बियाबनि गासै १,१७६ भट मिरुफोराव वेब कारिस्टिनि राहा खालामनाय जादों । बेनि गेजेराव २८ नं गसाइगाव बियाबआव गासै मोन २८५, ४१ नं भवानिपुर बियाबआव मोन २१३ मिरु, ५८ नं तामुलपुर बियाबआव ३२२ मिरु, १०१ नं मरियनि बियाबआव मोन १८३ मिरु आरो १०७ नं तावरा बियाबआव मोन १७३ भट मिरुफोर दं । वेब कारिस्टिनि गेजेरजों सिफ इलेक्टरेल अफिसार आरो डिस्ट्रिक्ट इलेक्सन अफिसारफोरा बिसायख ‘थिनि सानखालि भट सोनाय फारिखान्थिखौं लाइभआव थोंजोडै नायनो हागोन । कभिड-१९ महामारिनि फासं नोजोर लाखिनानै बिसायख ‘थि आयगआ गासै भट मिरुफोराव कभिड-१९ नि रैखाथि प्रटकलफोरखौं गोख्रोडै मानिनानै सोलिनार्यनि थाखायबो बिथोन होनाय जादों । बेबायदिनो मोनफ़्रोमबो भट मिरुफोराव सेनिटाइज खालामनाय जागोन लोगोसे टर्मल स्केनिं, हेन सेनिटाइजार, मास्कफोरखौं गोबाडैनो मोन्नो हागोन । मख ‘नाय जायोदि, फैगौ ३० अक्टबराव खुंजानो गोनां मोन ५ बियाबनि उफ़्रा बिधान सभा बिसायख ‘थियाव गासै सा ३१ बिजाथिफोरा गसंदों । बे सा ३१ बिजाथिफोरनि खाफालनि बरादखौं सा ७,९६,४५६ भटारफोरा सायख ‘गोन ।

## बिजनी दख ‘रा एबसुआबो पिपि बार्मानि रुंसारि जानायखौ ...

आसाम सरकारनि आजिरा मोन्नाय सिफ सेक्रेटारि प्रेम प्रसाद बार्मा, आइएसस बिथानि हरखाबै रुंसारि जानार्यनि खौरंखौ मोन्नानै बिजनी दख ‘रा एबसुआबो गोथौयै दुखु मोन्नाय फोरमायदों । दिनै मोनाबिलि समाव दख ‘रा आफादिनि मावख ‘नि लांगोनायाव बिथां रुंसारि पिपि बर्मानि गोजोन जिडमानि थाखाय ममबाति सावनानै इसोरनि खाथियाव आर ‘ज गाबनाय हाबाफारि खालामदों । बे ममबाति सावनाय हाबाफारियाव बिजनी दख ‘रा एबसुनि दैदेनगिरि आरो गुबुन गुबुन बिबानाव थानाय बिबानगिरिफोराबो बाहागो लानानै रुंसारि बार्मानि गोजोन जिडमानि थाखाय इसोरनि खाथियाव आर ‘ज गाबदों ।

## बारग ‘ गाहाय नेहाथारि पिपि बार्मानि रुंसारि जानाय गिबि मन्थिआ दुखु फोरमायहरदों

बियो गोबां बिहोमा होबोदों । बि आजिरा मोन्नाय गागि खुंथायारि बिबानगिरिनि रुंसारि जानाया जौनि समाज जिउनि थाखाय मोनसे सुख ‘हायै ख ‘हा होन्ना गिबि मन्थिआ बुंदोंमोन । गिबि मन्थिआ रुंसारि जानाय पिपि बार्मानि रुंसारि जानाय जिडमाखौ अरायसम गोजोननि थाखाय इसोरनाव आर ‘ज खालामनायजों लोगोसे दुखुजों साग्लोबसारनाय नख ‘रारिनिसिमबो दुखु फोरमायहरदों ।

## मुगानि आगदारि बानेश्वर बसुमतारिनि खुंगा थामथि ....

आरो बाक्सा जिल्ला एबसुआ सिके दख ‘रा एबसुनि हेफाजाबजों फैगौ १ नभेम्बर, २०२१ अक्टखालि मुगानि आगदारि बानेश्वर बसुमतारिनि खुंगा थामथि जोनोन सानखौ बाक्सा जिल्लानि सिहाव थानाय चौधुरिपारा गामिनि गेलेग्रा फोथाराव फालिनो थाखाय थि खालामनाय जादों । दासान्दि बे हाबाफारिखौं मेहेर गोनाडै खुंफुंनो थाखाय थागथियारि खालामनाया गोख्रोडै सोलिगासिनो दं । सिके दख ‘रा एबसुनि आफादगिरि जुबरास बसुमतारिआ फोरमायनाय बादिब्ला बे हाबाफारिखौं खुंफुंनो थांखि लानार्यनि बेलायाव ओन्सोलनि आरो खाथि-खालानि रइजो-राजाफोरा थागथियारि एबा खामानि मावनायाव नांगौबायदि हेफाजाब होदों । लोगोसे बे हाबाफारिखौं मेहेर गोनाडै जाफुंसारहोनो थाखाय ओन्सोलनि रइजो-राजाफोरखौं लैहोरा-लैहोर फैनानै बाहागो लाफैनो खौरां बिजौनि गेजेरजों खावलायहरदों सिके दख ‘रा एबसुनि आफादगिरि जुवरास बसुमतारिआ ।

## कक्राझार सि आइ टिआव आगु सुबुंखान्थि सान मावबादा ...

आजिरा मोन्नाय जेनेरैल मेनाजार उ॰ टिजि बिजया राज, इउएनडिपि कन्साल्टेन्ट अर्जुन नार्जारीजों लोगोसे रिजनेल डिरेक्टरेट गुवाहाटीनिफ़्राय एनएसएसनि गोबां मावख ‘गिरि आरो बिबानगिरिफोराबो बाहागो लादोंमोन । १० साननि हाबाफारिजों खुंफुंनाय बे आगु सुबुंखान्थि सान मावबादायाव जागपयनार्यनिफ़्राय एनएसएस भलान्ठियार्सफोरनि गासै बिथिडव गावआरि जौगाखानार्यनि फोरोंथायखौं होनाय जादों । गोबांथार समाजयारि, हारिसुयारि आयदानि अनगायैबो बे बादायव भलान्ठियार्सफोरनो दैदेनगिरि गुण एबा खौसल फोजौखानार्यनि सायाव फोरोंथाय होनाय जादों । अदेबानि एनएसएस भलान्ठियार्सफोरनो दैदेनगिरि गुण आरो खौसल जौगानार्यनि बिथिडवल ‘खाबु होनाय जायाखै । बबेखानि बेजों लोगोसेनो, दोरोडरि, हारिसु, आरिसु आरो रवफोरखौं बुजि मोन्नाय आरो सोलीनार्यनि खाबुखौबो बे मावबादिनि गेजेरजों होनाय जादों । बे फोरोंथाय मावबादाखौं हादतनि रजथावनि गोदान दिल्लीआव सुबुंखान्थि सान पेरड केम्पआव बाहागो लाहौने सायख ‘जानो हानार्यनि गुबै थांखिजों खुंनाय जादों । भारतीय रैनिया बिफाननि महर’पिजेमेट, कक्राझार आसामनि मावख ‘गिरिफेरा एनएसएस भलान्ठियार्सफोरनो पेरड फोरोंथाय होनो थाखाय होंग्राय जादों । कक्राझार सिआइटिनि एनएसएस प्रग्राम क- अर्डिनेटर जेडि हेमबेक्वर बसुमतारिआ बेबायदि सन्मान गोनां हाबाफारिखौं सिआइटिनो खुंनो खाबु होनार्यनि थाखाय एनएसएस डिरेक्टरेट गुवाहाटीनि रिजनेल डिरेक्टर दिपक कुमार्पिनिसिम साबायखर जासिदों ।

## बासुगावआव डाकाइतआ गोबां लाख रां बेसेननि सुपारि ...

गुडामनिफ़्राय १०० बस्ता गय सुपारिखौं लुथिना लाडे । कानाइया लाल सेथिया मुनि फालांगिरिखौं देहायारि गाग्लोबनानै गोजोम खालामो डाकाइतनि हान्जाया । लुथिना लानाय गय सुपारिनि बेसेना हाथयाव गासै ५० लाख रनिबो बांसिन जागोन होन्नानै सेथियाआ मिथिहोयो । डाकाइतफोरा लुथिनार्यनि सिगां सि सि टि भि केमेराखौं खोबथेनायजों लोगोसे सि सि टि भिनि गासै मुवा बेसादफोरखौंबो लाना थाडे होनानै बिथाड बुडे । पुलिस बुंफबनानै थानार्यनि गेजेरावनो माबुरै बासुगाव सोहोरनि बिखां गेजेराव बे जाथाया सोमजिनो मोनखो । बेखौं लानानै रइजो-राजाफोरनि गेजेराव गुबुन गुबुन सोंथि सिखांदों । डाकाइथि जाथार्यनि उनाव पुलिसनि बिफावखौं लानानै गोजोन्नाय मोनै फोरमायदों रइजो-रजाफोरा । गुबुन फासैथिं बासुगावआव लुफुंन्वाय थानाय अभाार त्रिजखौं नेग्रा मावफारियाआ गंसे इन ‘भा गारिखौं गोबां खेब थालाय-फैलाय खालामनार्यनि बस्ता मोनत्रे सुपारि लानानै थानायखौं गावनो नुदों होन्नानै फोरमायथियो ।

## १ नभेम्बरआव सरासनरुा रइजो-राजाफोरनि थाखाय नेम-खान्थिनि गेजेरजों ...

जादोंदि, सरासनरुा सुबुंफोरा फैगौ १ नभेम्बरनिफ़्राय जनता भवनआव हाबनो हागोन । कभिड महामारिनि गिखंथाव सन्देरनायनि थाखाय लोगो हमनो थानायफोरखौं हाबनार्यनिफ़्राय होबथानाय जादोंमोन । कभिड भेक्सननि मोननेबो ड ‘ज लानायफोरासो हाबनो हागोन । लोगोसे सरकार सम सम फोसावनाय बिथोनमाफोरखौं मानिनानै सोलिनाया गोनांथार ।

## एबसुआ उफ़्रा बिसायख ‘थिखौ गोजोन आरो उदाडै खुंफुंजानायखौ हास्थायदों

आफादआ गोजोन आरो उदाडै बिसायख ‘थिया खुंफुंजानायखौं जेब्लायबो हास्थायो । एबसुनि आफादगिरि बिथां दिपेन बर’आ खौरां बिजौनि गेजेरजों गाबोन खुंफुंजानो गोनां उफ़्रा बिसायख ‘थियाव गावबा गावनि सायख ‘नाय बिजाथिफोरनो उदाडै गाव गावनि बेसेन गोसा भटखौं होनो थाखाय साफ़्रोमबो रइजो-रजाफोरखौं खावलायो । लोगोसे बे बिसायख ‘थियाव सुबुंखान्थिनि मोन्थायखौं रवबो भटरफोरा एंगारालासे जाहाथे साफ़्रोमबो भट मिरुयाव थानानै गाव गावनि बेसेन गोसा भटखौं होनानै सुबुं खुंथार्यनि गोहोखौं गोख्रोंसिन खालामनायाव बाहागो लानो थाखाय रइजो-राजाफोरखौं खावलायो । मख ‘नाय जायोदि, गसाइगाव बियाबनि उफ़्रा बिसायख ‘थिखौं गोजोन आरो उदाडै खुंफुंनार्यनि थाखाय जिल्ला खुंथाय आरो महकुमा खुंथाया रैखाथि राहाखौं लाफानानै गोनांथि जानाय गासै गोनां राहाफोरखौं भट सोग्रा मिरुफोराव जगायनानै होनाय जादों । २८ नं गसाइगाव बियाबआव गासै सा ८ बिजाथिफोरनि गेजेराव बिसायख ‘थि बादायलायदों ।

## बि टि आरनि बाउन्डारि कमिसननि मासिगिरि प्रेम प्रसाद बार्माआ रुंसारि जाबाय

बिथानि हरखाब रुंसारि जानार्यनि खौरंखौं मोन्नानै दुलाराय बर’ फरायसा आफादआ गोथौयै दुखु मोन्नाय फोरमायो आरो रुंसारि नख ‘रनि दुखुथिया सोद्रोमा आरो बाय-बाहागिफोरनिसिम दुखु रुजुनहरफानानै बिथानि गोजोन जिडमानि थाखाय आनान गसाइनि खाथियाव आर ‘ज गाबो । बेजों लोगोसेनो दिनै दुलाराय बर’ फरायसा आफादनि लेडइ आफादगिरि आरो बाउन्डारि कमिसननि सोद्रोमा खोरोमदाव औवारिनि दैदेन्नायाव मिरुनि मोनसे हान्जाया गुवाहाटी खानापारायाव थानाय टिआरआइ निउ बिल्डिडव थानाय कमिसननि मावख ‘याव बिथां रुंसारि बार्मानि सावगारियाव बिबार बाउनाय हाबाफारि लानाय जायो । बे बिबार बाउनाय हाबाफारियाव बि टि आर सरकारनि जानानै लेडइ गाहाय मावफुं सोद्रोमा गबिन्द बसुमतारि आरो कमिसननिनो सोद्रोमा दालिम बायनआबो बाहागो लादों ।

रुंसारि प्रेम प्रसाद बार्माआ बर’ हारिनि थाखाय होलांनाय बिहोमाफोरखौं गोसोखानानै आरो मान होनानै दुलाराय बर’ फरायसा आफादआ दिने मोनाबिलिन ५ रिंगयाव मिरु, जिल्ला, दख ‘रा, दालायसा आरो सोनाब बंग रइज्योनि दुलाराय बर’ फरायसा आफादआ रुंसारि बार्मानि गोजोन जिडमानि थाखाय आलारि बाथि फोजौनानै आनान गसाइनाव आर ‘ज खालामो ।

मख ‘नो गोनांदि, थैनाय समसिमाव बिथां पिपि बार्माआ बि टि आर गोरोबथानि ३ नं दफाखौं आबुडै मावफुंनो थाखाय मंगाय गैयै खामानि मावगासिनोमोन । मुलुगनां गिखंथाव कभिड-१९ नि दोहौनि सामवबो थान्नाय गैयाजासे बि टि आर गोरोबथानि ३ नं दफाखौं आबुडै मावफुंनो थाखाय बिथाड सान-हर गोख्रों बिबान लानानै खामानि मावबोदोंमोन आरो कमिसननि रिपर्टखौं सानैसोनि उनावनो आसाम आरो भारत सरकारनो गथायनो थाखाय साखा-फारा जाबायमोन । नाथय दुखु नांथाव बाश्रादि, बिथाड बे खामानिखौं मोगथाडव मावफुंलानो हायाखिसै । बेनि अनगायैबो दुलाराय बर’ फरायसा आफादनि दैदेन्नायाव बर’ हारिनि सिनार्यथि, रैखाथि आरो थामोन्थानि थाखाय गोलाव सम सोमावसारनायाव बिथाड सरकारनि जानानै बर’ हारिनि जेनाखौं सुस्रानार्यनि खामानि मावनायावबो गोख्रों बिफाव लाबोदोंमोन । १९५३ माइथायाव जोनोम मोन्नाय प्रेम प्रसाद बार्मा, आएएस बिथाड ६८ बोसोर बैसोयाव रुंसारि जानानै गावनि नख ‘रनि आरो गासै आंगोफोरखौं नागारनानै बे संसारनिफ़्राय आन्त्रायलांबाय ।

## फैगौ १५ नबेम्बरनिफ़्राय गामि-गामि भेक्सन थुनाय जागोन : उ॰ हिमन्त बिश्व शर्मा

न ‘निफ़्राय आंखारबोनानै भेक्सन लानो नागिराखै । बेनिखायनो फैगौ १५ नभेम्बरनिफ़्राय १० लाख सुबुंखौं थांखिनानै गामि-गामि भेक्सन थुनाय जागोन होन्नानै गिबि मन्थि शर्माआ बुडे ।

गिबि मन्थि शर्माआ बुंबावोदि, फैगौ १५ अक्टनिफ़्राय ७ सानआरि महरै बे भेक्सनेसन बिथांखिखौं लानाय जागोन । २ कौटि सुबुंखौं भेक्सन थुनयाव जैरैबायदि हाबाफारि लादोंमोन बेबायदियैनो भेक्सनखौं थुनाय जागोन । नभेम्बरनि गेजेरावनो गासैखौंबो भेक्सन थुजोबनांगोन । १५ जागुवारिनि गेजेराव मोननैबो ड ‘ज भेक्सन थुनाखौं फोजोबनाय जागोन । बे दानाव नैथि ड ‘ज भेक्सनखौं १ कौटि सुबुंफोरनो थुनो बोसोन होनाय जादों होन्नानै बिथाड बुडे ।

## बाक्सायाव हाग्रा बिफान मुर्दाबाद र्ल ‘गानजों हेंथा सोमावसारदों

थासारिआव थानाय माखासे गामिनि रइज्योफोरा बरिकादडव खौसे जानानै हाग्रा बिफाननि हेंथायै बायदि स्ल ‘गान होन्नानै हेंथा सोमावसारो । मख ‘नो गोनांदि, सानफ़्रोमबो फालो-फालो हाग्रानि मैदेरा आदार नागिरनानै हाग्रा ओन्सोलनिफ़्राय आंखारबोनानै सुबुं थानाय ओन्सोलआव हाबफेनानै उतरखार खालामदोंमोन । थानाय माखासे सान नाडै मुसलपुर महकुमानि सिडव थानाय बरिकादडानि सान्जा फारसेथिं बोहैलांनाय फाग्लादिया दैसानि बाला चराव हाग्रानि मैदेरनि मोनसे गेदेरथार फालोसेया दंफैयो । मैदेर फालोआ मोनाबिलि जाब्ला दैनि गेजेरनिफ़्राय आंखारबोनानै बरिकादड ओन्सोलआव गोबां बिघा माइ आबादखौं ख ‘हा खालामदों । गोबां खस्त नाजानायजों आबाद खालामनार्यखौं मैदेरा फोजोबसालंलानायाव ओन्सोलनि आबादारिफोरा जिंगासिनानै थानांदों । खेबले-खेबले मैदेरनि फालोखौं बे ओन्सोलनिफ़्राय होखारहरनो हाग्रा बिफाननो खौरां हरनार्यनि उनावबो जायखि-जाया रोखोमनि गोनांथि होयाखै । मुडवल’ ओन्सोलआव नुजाथि फैनानै रइजो-राजाफोरनो माखासे फेकेट पटका रान्ना होनानै बिबानखौं नागारना थाडे बिफानआ । जायनि जाहोनाव मैदेरखौं गिखानानै हराव उन्दुलाडै थासारियाव सम बारहोनांनय सरासनरुा रइजो-राजाफोरा बिफाननि सायाव खुद्विखानानै मोनसे हेंथा सोमावसारनाय हाबाफारि लायो । हेंथा सोमावसारगिरिफोरा हाग्रा बिफान मुर्दाबाद, जौनि सम्पतिखौं रैखाथि हो, मैदेर होखारनार्यनि राहा ला, ख ‘हा जानाय आबादारिफोरनो ख ‘हा सुफुंनानै हो बायदि स्ल ‘गान होन्नानै थासारिखौं गोमखांहोदों । हेंथा सोमावसारराफोरा फोरमायथिदोंदि, हाग्रा बिफाननो खौरां हरनार्यनि उनावबो जेबो गोनांथि होयाखै । हाग्रानि मैदेरा गोबां बिघा माइ आबादखौं ख ‘हा खालामदों ।

## जाफुंसार साहा आबादारि टेन्जिं बड ‘सानि जिउ जारिमिननि सायाव सावथुन दिहुन्नायनि ..

सिनार्यथि होनो हादों । बुब्लियावनो बिथां टेन्जिं बड ‘साआ फोरमायदोंदि, जुदि जों मिथिंगाखौं मान होयो अब्ला मिथिंगायाबो जौंखौं मान होगोन आरो बेनो आंनि जिउनि मोनसे हुदाबादि जादों । आंनि जिउ दावबायनायाव, उन्दै आरो लाइमोन समनि जिउ जारिमिन आरो आंनि सोलिफु समनि अर्गेनिक साहा आबाद मावनायफोरा बे डकुमेन्टारियाव दैखांजानायाव अं जोबोद गोजोन्नाय मोन्दों होन्नानै फोरमायो ।

## कार्बन रिसर्च प्राइभेट लिमिटेडआ गोरिब थाखोनि फरायसाफोरनो रांखान्थि अन्सुंथाय ..

गोरिब नख ‘रनि सा १४ फरायसाफोरनो रांखान्थि अन्सुंथाय गथायनानै होयो । गासै सा १४ फरायसाफोरनो कम्पानीनिफ़्राय साफायाव २५०० रानि चेक बिलाइखौं कार्बन रिसर्च प्राइभेट लिमिटेडनि प्रजेक्ट डिरेक्टर राजेन्द्र शर्माआ गावनि आखाइजों गथायनानै होनाय जायो । लोगोसे बिथां राजेन्द्र शर्माआ फोरमायोदि, कम्पानीनिफ़्राय गोरिब थाखोनि फरायसाफोरनि सोलोंथाय लानायखौं थुलुगाखांहोनो आरो हेफाजाब होनार्यनि अंसिलार्यै फरायसा अन्साय बिथांखिखौं जागायनार्यनि गेजेरजों दिने गिबि खेबनि थाखाय सा १४ फरायसाफोरनो २५०० राडै रांखान्थि अन्सुंथाय गथायनाय जादों । फैगौ समफोरावबो कार्बन रिसर्च प्राइभेट लिमिटेडनिफ़्राय गोरिब थाखोनि फरायसाफोरनो बे रोखोम रांखान्थि अन्सुंथाय होलांबाय थानार्यनि राहाखौं लानाय जागोन होन्नानै फोरमायथिदों ।

# सुनिल शेट्टि आरु अक्षय कुमारआ गावर्जो गाव बाख्नायलायदो

सुनिल शेट्टिनि फिसाज्ना अहान शेट्टिआ तड़पजो बलिउड डेब्यु खालामबाय। बुधवारआव सावथुननि ट्रेलारखौ रिलिस खालामनाय जादो आरु रिलिज जानाय लोगो लोगोनो साग्लोबसारनाने थादो। बलिउडजो लोगोसे गुबुन रावफोरनि इन्डस्ट्रीनि मुंदांखा सुबुंफोरा ट्रेलारखौ बाख्नायदो। फेन्सफोरा अक्षय कुमारनि फिनजाथायखौ गोसो होसारनाने नेना दडमोन जाय सुनिल शेट्टिनि सावथुन केरियारनि जरखा बाहागो जादो। अक्षयआ बृहस्पतिवारआव गावनि फिनजाथायखौ होदो आरु गोबां मख 'जाथाव आखुआव बियो



अहाननि डेब्युखौ बाख्नायदो। अक्षयआ तड़पनि ट्रेलारखौ टुइट खालामनाने लिरदो, सुनिल शेट्टि, नॉनि फिसाज्नाया आनिफ्रायबो गोबां सांग्राथिसिन। बियो मा रोखोमनि हेराफेरि?

अहानानो गोबां अन्नाय आरु गाहाम हामलायथिनायखौ जासिहरबाय। अक्षयनि बे टुइटआव सुनिल शेट्टिआ लिरदो नॉ गिबि सुबुंमोन, जाय

सावगारिखौ नायनाने माखासे बोसोरसिगां गाहाम हामलायथि जासिहरदोमोन आरु माखासे समायना बाश्राखौ बुंदोमोन। नॉ जाय अन्नायखौ दिन्थियो बेनि थाखाय गोबां साबायख 'र। मख 'नो गोनादि, बे बोसोरवबो मार्चआव तड़पनि फास्ट लुकखौबो अक्षय कुमारआनो रिबिल खालामदोमोन। पस्टर सेयार खालामनाने अक्षयआ लिरदोमोन। अहान नॉनि थाखाय गिदिर सान। आं दासिमबो नॉनि बिफा सुनिल शेट्टिनि गिबि सावथुन बलबाननि पस्टरखौ गोसोआव दड आरु दिनें आं नॉनि गिबि

सावथुननि पस्टरखौ दिन्थिदो। साजिद लाडियाडबालानि लुकनि पस्टरखौ सेयार खालामनाने गोबां गोजेन्नाय आरु गौरखौ मोन्दां। तड़पखौ मिलन लुथरियाआ बिथोन होदो, जायखौ साजिद नाडियाडबालाया बानायदो। सावथुनआव अहानजो लोगोसे तारा सुतारियाआ फिमेलनि गाहाय फाव खालामदो। 90 जौथाइनि समाव अक्षय कुमार आरु सुनिल शेट्टिआ माखासे जाफुंसारनो हानाय सावथुनफोराव लोगोसे फाव खालामदोमोन।

## करण कुन्दरनि एक्स गार्लफ्रेंड अनुषा दान्देकरआ गावनि सावगारि सेयार खालामदो



बिग बस 15 आव आधिखालाव मोनसे लाभस्टरिया लासै लासै बांलांदो। श्व 'नि एखेगहेयै फन खालामग्रा सुबुंफोरा मोनथिगौदि तेजस्वी प्रकाश आरु करण कुन्दरनि खाथिनि सोमोन्दो फैनाया बांदो। बिसोर सानैनि माखासे स्मॉल्टिक भिडिअखौ ससियेल मिडियाआव भाइरेल जाखांबाय। फार्सेथिं बावैसो समाव करणआ शमितानि सिगाडव गावनि एक्स गार्लफ्रेंड अनुषा दान्देकरखौ लानाने फोरमायदोमोन। थानाय सानफोराव अनुषानि बिग बसआव फेगोनखौ लानाने खौराड सोलिदोमोन। फोरमायनाय जादोमोनदि करण तेजस्वीनि गेजेराव हाबखाववो अनुषाया थाबैनो स्व 'आव एन्ट्रि जासिगोन। नाथाय अनुषाया बे नंखाय खौरांफोरखौ बोखारना होदोमोन। खौराडव सारलोबसारनाने थानाय करणनि बे एक्स गार्लफ्रेंडआ इन्स्टग्रामआव गावनि गोबां बलड सावगारिखौ सेयार खालामदो। अनुषाया गावनि बिकिनी गान्नाय सावगारिखौ सेयार खालामनाने लिरदो बीजो जागायनाय मोननेल 'सोदोबफोरव नोजोर होनांगौ। ब्राउन आरु बिउटिफुल... थाबैनो फेसिगोन @brownskinbeautyffice

## टाइगारनि बिनानाव कृष्णा श्रफनि फेसनखौ नुनाने फेन्सफोरा गोमोनांदो

बलिउड फावखुंगुर टाइगार श्रफ बायदिनो बनि बिनानाव कृष्णा श्रफआबो गोबां खौराडव थायो। कृष्णाया गावनि बिदा बायदिनो फिटनेसखौ नोजोर लाखियो। बियो सम-सम गावनि हट आरु बलड सावगारिफोरजो लोगोसे गावनि वार्क आउट खालामनाय सावगारिफोरखौबो पस्ट खालामो। कृष्णाया आधिखालाव सावथुनफोरनिफ्राय जानगाराव दड। नाथाय बियो फेन फलइनि के सआव गिदिर स्टारफोरजो जुजियो। माखासे खेब बियो गावनि बलड आखुनि जाहोनाव टूलबो खालाम जादो। बेनि गेजेराववो आरुबाव खनसे कृष्णा श्रफआ गावनि लुकजो फेन्सफोरखौ गोमोहोदो। बे सावगारिखौ लानाने बियो टूलबो खालाम जादो। कृष्णा श्रफआ बावैसो समाव गावनि इन्स्टग्राम एकाउन्टआव गावनि मोनसे गोदान सावगारिखौ सेयार खालामदो। बे सावगारिया बियो गावनि जेना गोनां ड्रेसखौ लानाने खौराडव फेदो। सावगारियाव नुदोदि, कृष्णाया



जाय ड्रेसखौ गान्दो, बेवहाय बिखौ माबेबा दाव बायदि नुनो मोन्दो। बनि ड्रेसआव माखासे गोसोम दावनि गां नुनो मोन्दो। बे सावगारिखौ लानाने कृष्णाखौ लान्थ्रियै, टूल खालामदो। फेन्सफोरा कृष्णा श्रफनि सावगारियाव गोमोथाव कमेन्ट खालामदो। फार्सेथिं माखासे इज्जारफोर बनि सायाव कमेन्ट खालामनाने बिखौ लाजि फोनोदो। माखासे इज्जारफोर बिखौ गोसोम दावखा होदोब्ला माखासेया गोसोम दाव होनाने बुंदो। बे सावगारिखौ दासिमाव रोजा-रोजा सुबुंफोरा नायखांबाय। मख 'नो गोनादि,

माखासे सान सिगां कृष्णानि गोदान मिउजिक भिडियआ रिलिस जादो। किन्नी किन्ना वारी 'आ कृष्णा श्रफनि गोदान मिउजिक भिडिय। बनि बे मिउजिक भिडियखौ फेन्सफोर गोबां मोजां मोन्दो। फार्सेथिं बेजो ससियेल मिडियाआव मोजां रिस्पन्स मोन्दो। बे देखोआव कृष्णाजो लोगोसे बेवहाय जन्त जुबेर, जेसी लीबर, नगमा मिराजकर, राज शुकुर आरु तन्वीखौबो नुनो मोनो। फार्सेथिं बे भिडियआव राशि सुदआ गावनि गारांखौ होदो। दिलजत माबीआ लिरदो।

# गाहाम देहानि राहा डाइटआव गाजरखौ लाफायोब्ला माखासे बेमारफोरनिफ्राय रैखा मोनगोन

ओरैनोथ' जो गाजरखौ गासै बोसोरववो बाजारव गोरलैयै मोन्नो हायो। नाथाय गाजरनि नुंगुबै स्वादखौ मोन्नोब्ला बे सिजेनआ पारफेक्ट जायो। गाजरखौ सुबुंफोरा मिक्स मैंग, आलाद एबा जुस महरैबो लोडो। जरखा महरै गाजरआ स्वादखौ गोथावसिन खालामनायजो लोगोसे देहानि बिथिडावबो मोजां जायो। बेयाव गोबां बिबांनि भिटाभिन ए, सि, के, पेन्टथेनिक एसिड, पटैसियाम, आयरन, कपार आरु मेगनिज बायदि माखासे खनिज आरु भिटाभिनस्फोर थायो। बे गासैबो नोथांखौ माखासे बेमारफोरनिफ्राय रैखा खालामनायाव मदत खालामो। (1) बेमार होबथानो हाग्रा गोहोखौ बांहोयो : करना बोथोराव इमिउनिटिखौ गोखो खालामनाया जोबोद गोनां। मानोना गाजरआव गोबां बिबांनि भिटाभिन ए आरु सि थायो। बे मोननैबो एन्ट




अक्सिडेन्ट महरै खामानि मावयो। बेयो इमिनिटिखौ गोखो खालामनाने बेमारनिफ्राय रैखा खालामो। (2) लिरथाइखौ बाडइ खालामो : जुदि लिरथाइ बारायनायजो जेनायाव गोलैनांदोब्ला बेयाव गाजरआ मदत खालामनो हागौ। मानोना गाजरआव केलरिया बाडइ थायो। बेखौ जायोब्ला मेटाबलिज्मआव सावसाडो आरु लिरथाइखौ गोरलैयै बाडइ खालामनायाव मदत मोनो। बेनिखायनो गाजरखौ सालाद, सुप एबा जुस महरै डाइटयाव लाफानो हागोन। (3) मेगनफोरनि थाखाय बान्जायजाथाव : माखासे सुबुंफोरनि मेगनि

सोराड जोबोद लोरबां जायो। जुदि मेगनि सोरांखौ नेचारेल राहाजो बाराय होनोब्ला। गाजरआ बेयाव मदत खालामनो हागौ। बेयाव बिटा केरटिन थायो, जाय भिटाभिन ए बायदिनो जायो। (4) रिस्क नखौ गाहामै लाखियो : बयबो गावबा गावनि स्किनखौ गाहामै लाखि लुबैयो। बेबायदियाव गाजरखौ डाइटआव लाफानाया गाहाम। गाजरआव भिटाभिन सि आरु भिटाभिन इ थायो। बियो स्किनखौ गाहामै लाखिनायाव मदत खालामो। (नट : बेयाव होनाय राहाखौ आजावना लानायनि सिगां डाक्टरनि बोसोन लाग्रो)।

## फिसाजो आलिया भाट्टनि सोमोन्दै बाश्रा बुंदो महेश भाट्टआ

महेश भाट्टआ फिसाजो आलिया भाट्टखौ बाख्नायदो। बियो बुंदोदि, जेसेबां रंखो गाव 50 बोसोरव आर्जियाखे बेसेबां रंखो फिसायो आलिया भाट्टआ 2 बोसोरववो आर्जिदो। आलिया भाट्टआ स्टुडेन्ट अफ दा इयारजो 2012 आव बलिउड डेब्यु खालामदोमोन। आलिया भाट्टआ बयजोबो मोजां मोनजाग्रा फावगिरिफोरनि गेजेराव सासे। गावनि बावैसो समनि इन्टरभिउआव आलिया भाट्टनि बिफा महेश भाट्टआ फिसाजोनि जाफुंसारनो हानायखौ बाख्नायदो। महेश भाट्टआ बुंवावदो आलिया भाट्टआ गावनि बिमा बिफा बायदि नडा। बियो गावखौनो गाव सिनायथि जानाय खालामना लादो। गावसोर अरयसम इन्डस्ट्रिआव गसबोदो आरु गाव सावुनफोरखौ नख 'र सामलायनो थाखाय बानायदो। आलिया भाट्टआबो बेखौ



मोनथियो। बियो गोसो खुसियै हाबाफारि मावो लोगोसेनो बियो बुजिनाबो। महेश भाट्टआ बुंवावदो बे मुलुगाआ फावथिना नायग्राफोरजो बुंफबनाय, नाथाय पारफर्म खालामनो थाखाय गोबां साहस नांगौ। आनि गोसोआव बनि थाखाय गोबां सम्मान दड। मख 'नो गोनादि आलिया भाट्टआ 1999 आव

रिलिस जानाय सावथुन संघर्षआव उन्दै फावगिरिफोरनि फावखौ खालामदोमोन। बेनि उनाव बियो हाइवे, टुस्टेट, हम्टी शर्मा की दुल्हनिया आरु राजी बायदि सावथुनफोराव फाव खालामदो। आलिया भाट्टखौ गांगुबाइ काठियाबाड़ी आरु ब्रहमास्तआव नुनो मोनगोन।

## छठ फुजायाव सनु निगम आरु पबन सिंआ जयैनो दोहो लाबोनो हागौ!

फोर्बो फोरनि सिजेनआ सोलिगासिनो दड। दिवालीआ फैनायजो लोगोसेनो बिहार आरु पुर्बान्सलनि ओन्सोलफोराव छठनि थियारिफोरबो जागायदो। लासै लासै छठनि मुंदांखा जानाया बांलांदो आरु आधिखालाव बेखौ गोबां फालिनाय जादो। हादतनि आलादा आलादा बाहागोफोरव थाग्रा बिहार आरु पुर्बान्सलनि सुबुंफोरखौ छठ फालिनाय नुनो मोनो। छठ स्पेशल महरै माखासे देखोफोरखौबो रिलिस खालामनाय जायो। बे खेबआव बलिउडनि मुंदांखा देखोगिरि सनु निगम आरु भजपुरी सुपार स्टार पबन सिंआ गावसिनि फेन्सफोरनि थाखाय देखोखौ लानाने फेसिगोन जाय छठनि सायाव थुलुंगाखानाय जागोन। देखोनि सुटिखौ अयध्यायाव खालामनाय जादो। सनु निगमआ ससियेल मिडिया



पेजआव पबन सिंजो लोगोसे सावगारि सेयार खालामदो, जेयव बिसोर सानैखौ जियरनाय नुनो मोन्दो। मोनसे भिडियजो सनु निगमआ फोरमायदो गाव पबन सिंजो लोगो मोन्दो आरु देखोखौ सुट खालामदो। भजपुरी सोलोनयाव पबन सिंआ बिखौ गोबां हेफाजब

होदो। सनु निगमआ बुंदोदि, पबन सिंआ गोबां मुंदांखा मुं। गाव बिखौ लोगो मोन्नाने गोबां मोजां मोन्दो आरु बियो गोबां टेलेन्टेड। बे भिडियखौ पबन सिंआ रिपस्ट खालामदो आरु केप्सनआव लिरदो। थेंक्यु एन्ड लाभ सनु निगम आदा, थाबैनो फेसिगोन। जय छठी माइय्या।



## बिग बस 15 नि एपिसडआव केप्टेनसि टास्कया फेलें जानायनि जाहोनाव बिग बसआ दुखु मोन्दो

बिग बस 15 नि 28 अक्टूबरनि एपिसडआ बादायारिफोरनि गेजेराव जाग्रा आदारखौ लानाने दावराव-दावसि जानायनिफ्राय जागायदो आरु बियो टास्कया केप्टेन्सि जाफुंसारनि जाहोनाव बिग बसनि रगा जौनायाव जोबो। बे सप्ताहयाव रावबो केप्टेन जायाव रावनिबो हान्जाया देरहायैनि जाहोनाव बिग बसआ नख 'र थागिबिफोरनो आरुबाव

सायख 'नायाव जाफुंसारनानो हायाखै। बे बायदिया बिग बसआ आरुबाव खनसे नख 'नि सुबुंफोरखौ गावसोरनि दैदेनगिरि सायख 'नो थाखाय बुडो। बिग बसआ फेनो गोनां केप्टेननि बिसायख 'थिनि हाबाफारिखौ फोरमायनाने बुडोदि, सान जाबाय केप्टेन्सि टास्काआव मोनैबो हान्जाया जाफुंसारनो हायाखै। आधिखालाव जो मोनसे हान्जानि सहायनो हानाय गोहोखौ हागौ एबा

जो बेखौ गुबुन मोनसे हान्जानि इनेक्सनि बिदिन्थिखौबो मानिनो हागौ। नाथाय बे न 'आव माखासे सुबुंफोरा नायगिरिफोरनि गात्रि फिनजाथायखौ मोजांडे-मोनथियो। बिसोरो बेखौ मोनथियादि दिनें मा मोजां कन्टेन्ट मोनखो? बिग बसआ बादायारिफोरखौ माखासे गोखो बाश्रा खोनास होनाने आरुबाव बुडोदि, बे टास्काखौ गावसोरनि बुजिनायजो फुरा खालामनंगौ।

# भारत बायटेकनि कभेक्सिनआ फैगौ सप्ताहयाव हुनि गनायथि मोन्नो हासिगौ!

# फ्रान्स आरो ब्रिटेननि गेजेराव सोगोमलायनाय थासारि सोमजिदौ

जेनेभा, 29 अक्टुबर : हुनि (डाब्लिउएडसअ) नि सासे देरसिन बिबानगिरिया थांनाय बृहस्पतिबार खालि बुंनाय बायदिब्ला, भारत बायटेकनि कभेक्सिन सायाव नेमखन्थि बायदियै आरो जोबोद गोखै टेकनिकेल कमिटिनो अन्जिमा गथाइगसिनो दड। बेयो फैगौ सप्ताहयाव हुनि जोबथा गनायथि मोन्नो। बिथाड बे बाश्रानि सायाव बोलो होनानै बुडोदि, इउएननि बे आफादआ गोजौ थाखोनि गुन गोनां टिका थियारि खालामप्रा भारतयारि उद्यगनि सायाव गोबां फोथयो। सुलुंनि बायदिब्ला, कभेक्सिन बानायप्रा हाइड्राबादयाव थांनाय भारत बायटेकआ थांनाय 18 एप्रिलआव टिकानि इमारजेन्सि बाहायनाय फारिलाइ (इडउएल) नि थाखाय हुनो एक्सप्रेसन अफ इन्टरेस्ट



आर'ज गानायायखौ रिपट बियो। हुनि लोमो गाहाय बिथोनगिरि डा. मेरिंएंगेला सिमाअआ जेनेभायाव खौ रंगिरिफेरनि सावरायलायनायाव भारत बायटेकआ नेमखन्थि बायदियै अन्जिमाफोरखौ गथाइगसिनो दड होनानै बुडो। बिसोर थांनाय खेबाव अन्जिमाफोरनि

बेचखौ 18 अक्टुबरवा गथाइदौमोन। हाइड्राबादयाव थांनाय भारत बायटेकआ इउएननि थाखाय 19 एप्रिलयाव हुनि खाथियाव आर'ज गाबदौमोन। सुलुंनि बाइदिब्ला कभेक्सिनखौ करनानि हेथायै 77.8 जौखोन्दो आरो डेल्टा भेरिएन्टनि हेथायै 65.2 जौखोन्दो गोहोमो गोनां महैरै मोन्नाय जादौं। थांनाय जुन दानाव कम्पानीया थामथि खोलोबनि फिथाइफोरनि जोबथा खामानिखौ फुरा खालामबाय होन्ना बुडो। कभेक्सिनखौ इडउएलयाव सोफानायनि सायाव सावरयनो थाखाय बे सप्ताहयाव टिएजनि जथुमा जादौंमोन। कभेक्सिननि सायाव सावरयनो थाखाय फैगौ जथुमाया 3 नभेम्बरवा जागोन।

पेरिस, 29 अक्टुबर : फ्रान्स आरो ब्रिटेननि गेजेराव दावसिया बांदौं। ब्रिटेनआ फ्रान्सनि नावखौ होबथानो हुमखि होनायनि सायाव फिनजाथाव होनानै बुडोदि, जुदि फ्रान्सआ ना हम्प्रा नावनि लाइसेन्सखौ लानानै जेनाखौ बांहोयो आरो होबथानायनि हुमखि होयोब्ला, बिसोरनि हेथायैबो बिजिरफिननाय जागोन। बेनि सिगां फ्रान्सनि सरकारा हुमखि होदौंमोनदि, जुदि ब्रिटेननि उनाव जेनाया बोस्नांजायाब्ला फैगौ सप्ताहनिफ्राय ब्रिटिसनि जाहाजफोरखौ माखासे जाहाज गाथोनफोराव फैनायखौ होबथानाय जागोन। हादतगिरि इमेनुयेल मेरुनि खुथाया सेलेन द्वीप हाजानो गोहो जगायना होनायखौ होबथानो हागौ। बेराफसै 10 डारनि स्ट्रीटा

बुडोदि, अलखदखौ हारियायारि आयेनाव मोजां मोना आरो जुदि पेरिसआ फासयाआ बिसोरनि हेथायैबो नायबिजिरफिननाय जागोन। मख'नो गोनांदि, गोदान बोसोरनि जागायनायाव जेब्लानिफ्राय ब्रिटेन इउरपिय संघनिफ्राय आलादा जायो बे समनिफ्रायनो लन्डन आरो पेरिसनि गेजेराव थांनाय सोमोन्दोया गात्रि जालांगसिनो दड। फ्रान्सआ थांनाय दानाव ब्रिटेन आरो जासिनि मोनसे थांखिखौ रगा जादौंमोन। बेयाव बिसोर गावसोरनि दै



ओन्सोलाव ना हमनो थाखाय फ्रान्सनि नावफोरनि गोबां लाइसेन्सफोरखौ गनायथि होदौंमोन। बेयो ब्राग्जिट रादायखौ सिफायो। सुलुंनि बायदिब्ला, जासिआ फ्रान्सनि बोरिमानिफ्राय 14 माइलल' गोजानाव दड। आथिखालाव बेयो आबुडै ब्रिटेननि सायाव सोनारो। बिसोरनि दै ओन्सोलाव ना हमनायनि गनायथिखौ सोर मोनगोन बेनि थांखिखौ जासिआ गावनो लायो। आथिखालाव बिसोर इउकेइउ फालांगि रादायनि सायाव बिथा सायाव गोखोडै खालामनानै लाइसेन्स होयो।

बेराफसै जासिआबो फ्रान्सनि सायाव समानथिगैयै महैरै खामानि मावनायनि दाय जाबसिनो। फ्रान्सनि सरकारनि बुंथिगिरि गेब्रियेल अट्टलआ बुंनाय बायदिब्ला माखासे सप्ताह सावरायनायनि उनाव ब्रिटिस बिबानगिरिफोरा गोबां ना हमनायनि लाइसेन्सखौ फोसावयो, नाथाय फ्रान्सनि हिसाबै बे दासिमाव 30 जौखोन्दो। बेजौं लोमोसे फ्रान्स आरो ब्रिटेननि गेजेराव दावबायप्रा जाहाजफोरनि रादायनि सायाव बिथा सायाव गोखोडै नायबिजिगोन।

गयासनिगिरि मार्क जुकरबर्गआ जुलाइआव अर्नि कलआव बुंदौंमोनदि, कम्पानीनि इयुनआ मेटाबर्सआव दड। फेसबुकआ जाय थांखिखौ बानायदौं, बेयो मोनसे एलकाबेट इन्क बायदि हिल्ड कम्पानी, जाय मोनसे फसंथाननि गेजेरजौं इन्सटग्राम, हवाटसएप, अकुलस आरो मेसेन्जर बायदि माखासे ससियेल नेटवर्क एपनि गेजेराव मोनसे। फोरमायनाय बायदिब्ला, 18 अक्टुबरवा फेसबुकआव बुंदौंमोन गाव फेनो गोनां 5 बोसोरफोराव इउर'पिय इउनियनआव गासै सा

# भारतआव 24 घन्टानि गेजेराव करनानि 1400 गोदान केस आरो 13 रोजा रिकभार जादौं

गोदान दिल्ली, 29 अक्टुबर : भारतआव करना भाइरासनि केसफोराव बांनाय खम जानाया सोलिबाय थादौं। बृहस्पतिबारखालि रुजुनायाव दिनै करना भाइरासनि केसफोराव 11 जौखोन्दोनि खम जानायखौ नुनो मोन्दौं। गाहाम देहा मावख'नि अन्जिमानि बायदिब्ला भारतआव थांनाय 24 घन्टयाव करना भाइरासनि गासै 14348 गोदान केसआ सोराडव फैदौं, फासैथिं थैनायनि अन्जिमाया बांनायखौ नुनो मोन्दौं। हादतआव शुक्रबाराव गासै 805 सुबुंफोर थैदौं, जेराव केरलानि सुबुंफोरा बयनिखुडबो बांसिन जादौं। आथिखालाव थैनायनि केसआव बांनायनि



जाहोनाव केरलानि गोदाम डायखौ गोदान करना फिगरआव लाफादेरनाय जादौं। गाहाम देहा मावख'नि बायदिब्ला, हादतआव शुक्रबाराव करना भाइरासनिफ्राय मोजां

जानायफोरनि अन्जिमाया गासै 19198 जादौं। जाय गोदान केसफोरनिफ्राय खम जादौं। बेबायदियैनो हादतआव करना भाइरासनिफ्राय दासिमाव गासै 3,36,27,632 सुबुंफोरा बारां

खांबाय, फासैथिं गासै केसफोरनि अन्जिमाया 3,43,46,15 निफ्राय बांसिन जाखांबाय। आथिखालाव हादतआव एक्किभ केसफोरनि अन्जिमाया गासै 1,61,334

जादौं आरो दासिमाव गासै 4,57,191 सुबुंफोरा थैखांबाय। अन्जिमायनि बायदिब्ला गाहाम जाफिननाय बेरामिफोरनि अन्जिमाया इन्फेक्सननि गासै केसनि 0.47 जौखोन्दो जादौं, जाय मार्च 2020 नि उननिफ्राय बयनिखुडबो खम जादौं। जेराव कभिड-19 निफ्राय मोजां जानाय सुबुंफोरनि बिबाडा 98.19 जौखोन्दो जादौं। थांनाय 24 घन्टयाव कभिड 19 नि फाहामथाय लानाय बेरामिफोरनि अन्जिमायाव गासै 34.5 केसफोरनि बांनायखौ थिसन्नाय जादौं। हादतआव थांनाय बोसोरनि 7 आगस्टयाव इन्फेक्सन जानायफोरनि अन्जिमाया गासै 20 लाख 23 आगस्टआव 30 लाख आरो 5 सेप्टेम्बरआव 40 लाखनिफ्राय बांसिन जादौंमोन। फासैथिं इन्फेक्सननि गासै केसआ 16 सेप्टेम्बरवा 50 लाख, 28 सेप्टेम्बरवा 60 लाख, 11 अक्टुबरआव 70 लाख, 29 अक्टुबरवा 80 लाख आरो 20 नभेम्बरआव 90 लाखनि बांसिन जादौंमोन।

# फेसबुकनि मुंखौ सोलायनानै मेटा खालामनाय जाबाय होन्नानै फोसावदौं सिइअ'मार्क जुकरबर्गआ


गोदान दिल्ली, 29 अक्टुबर : ससियेल मिडिया प्लेटफर्म फेसबुकआ गावनि मुंखौ सोलायदौं। बृहस्पतिबाराव फेसबुकआ कम्पानीनि मुंखौ सोलायनानै मेटा खालामनो फोसावबाय। थांनाय माखासे साननिफ्राय फेसबुकनि मुंखौ सोलायनायनि माखासे सानस्रिया सिखां गासिनो दडमोन। जायनि उनाव दिनै कम्पानीनि फाउन्डर आरो सिइअ'मार्क जुकरबर्गआ गोदान मुंखौ फोसावदौं। मार्क जुकरबर्गआ कम्पानीनि कालेक्ट भाचु'एल रियेलिटी कनफारेन्सआव बुंदौंदि जौं जाय हाबाफारिफोरखौ मावो बेखौ लाफादेरनो थाखाय मोनसे गोदान कम्पानी ब्रान्डखौ लाफानायनि समआ फैबाय। जुकरबर्गआ बुंदौंदि, आथिखालाव जौं फेसबुकनि अनगायै मेटाबर्स जासिगोन। मख'नो गोनांदि, फेसबुकनि



10,000 सुबुंफोरनो हाबाफारि होनायनि यजना बानायदौं। जाहाथे मेटाबर्स बानायनायाव मदत मोन्नो हायो। मेटाबर्सआ मोनसे गोदान अनलाइन मुलुग जेराव सुबुंफोरा दड आरो शेयर्ड बाचु'एल स्पेसआव खौरां होयो। फेसबुकआ बाचु'एल रिप्लिटि (भिआर) आरो अगमेन्टेड रियेलिटी (भिआर) आव गोबां इन्भेस्टमेन्ट खालामदौं आरो गावनि गासै 3 आरब इउजारफोरखौ माखासे डिभाइसेस आरोएप्सनि गेजेरजौं सरजाबनो थांखि लादौं।

# सनिया गान्धीआ सिख दाडबाजनि दायनिगिरि जगदीश टाइलरनो दिल्ली राइज्यो कंग्रेसयाव जायगा होबाय

गोदान दिल्ली, 29 अक्टुबर : दिल्ली राइज्यो कंग्रेस क मिटियाव जगदीश टाइलरनो जायगा होबाय, जायनि सायाव जेना सोमजिनो हागौ। थांनाय 1984 नि सिखनि हेथायै दाड बाजनि सन्देह खालामथाव जगदीश टाइलरनो कंग्रेस कमिटियाव अरायथा सोद्रोमा महैरै जायगा होयो। थांनाय बृहस्पतिबार खालि कंग्रेसनि आफादगिरि सनिया गान्धीया टाइलरखौ राइज्योनि कंग्रेस कमिटियाव सोफायो। जगदीश टाइलरजौं लोमोसेनो आगुनि राइज्योयारि कंग्रेसनि आफादगिरि जेपि अग्रवाल, आगुनि माहारियारि गाहाय सेक्रेटारि जनार्दन दविवेदी आरो आगुनि मिरुयारि मन्श्रिफोर कपिल सिब्बाल,अजय माकन आरो कृष्णा तीरथनोबो जायगा होयो। मख'नो गोनांदि, जगदीश टाइलरजौं लोमोसे बे दैदेनगिरिफोरखौ थिसन्नायनि बिथोनखौ कंग्रेसनि गाहाय सेक्रेटारि केसि



बेणुगपालनि फासैनिफ्राय थांनाय बृहस्पतिबार खालि फोसावनाय जायो। बेनि गेजेरजौं सा 87 दैदेनगिरिफोरखौ दिल्ली राइज्योनि कंग्रेस कमिटियाव सोफानाय जायो। सिखफोरनि हेथायै जानाय दाड बाजिफोराव दिल्ली राइज्यो कंग्रेस कमिटियाव सोद्रोमा महैरै सोफायो। सिखनि हेथायै दाड-बाजिफोराव दायफोरजौं मोगा-मोगि खालामनानाय जगदीश टाइलर नैथि कंग्रेसनि देरसिन दैदेनगिरिमोन। बेनि अनगायै सज्जन कुमारनि सायावबो बे दायखौ जाबसिनदौंमोन। अदेबानि सज्जन कुमारखौ

बिजिरसालिया दाडा-बाजिफोराव थाफानायनि दायव जिउ जोबजासिम जोबथेसालिनि साजा होयो आरो आथिखालाव बियो बेनि दायववनो जेल सिडाव जोबथेजानानै दड। बेराफसै जगदीश टाइलरनि बाश्रा बुडोब्ला सिबिआइआ बिनि केसआव 2007, 2009 आरो 2014 याव क्लजार रिपटखौ फाइल खालामदौंमोन। नाथाय दिल्लीनि कडकडडुमा कर्टआ सिबिआइनि क्ल'जार रिपटखौ नेवसिगारदौंमोन। सिख दाड-बाजियाव गावनि फिसाइखौ खोमानानाय लखबिन्दर कौरनि आर'ज गानाया

बिजिरसालिया बे थांखिखौ खोनासहोदौंमोन। बेनि उनाव बिजिरसालिया सिबिआइखौ बे केसनि नायबिजिरनायखौ लाखिलांबाय थानो बिथोन होदौंमोन।

# सरकारआ छठआव शारदा सिन्हानि देखोजौं कभिड प्रटकलनि नेमखान्थिखौ फालिनो थाखाय सुबुंफोरनो थुलुंगा होगोन

मिरु सरकारआ छठआव मुंदांखा खुगा मेथाय रोजावगिरि शारदा सिन्हानि देखोजौं कभिड प्रटकलखौ फालिनो थाखाय सुबुंफोरनो थुलुंगा होगोन। मावख'आ बुंदौंदि, जानो गोनां छठफुजानि समाव कभिडनिफ्राय रैखाथियै थानायनि आखुखौ फालिनायाव राइज्योआरि महैरै बाहागो लानायनि दाबि दैखानो थाखाय मुंदांखा खुगा मेथाय खनगिरि आरो पद्म भुषन बान्थाजौं सम्मान होनाय शारदा सिन्हानि मोनसे अडिअ भिजुयेल देखेखौ फोसावगोन। मख'नो गोनांदि, इउपि, बिहार, झारखान्डजौं लोमोसे हादतनि माखासे राइज्योफोराव छठफुजाया जायो। छठफुजाखौ लानानै शारदा सिन्हाया



दासिमाव माखासे देखेफोरखौबो रोजाबखांबाय। छठफुजाया जागायनाय लोमो लोमोनी बांसिन जायगाफोराव शारदा सिन्हानि देखेखौनो खोनानो मोनगोन। बे बोसोराव छठफुजाखौ 8-11 नभेम्बरनि गेजेराव फालिनाय जागोन। कार्तिक दाननि शुक्ल पक्षनि चतुर्थी तिथिनिफ्राय बेयो जागायो। फोर्बोफोरनि बे बोसोराव करना भाइरासनि केसआव सरसन्ना बांनायखौ नुनो मोन्दौं। बे बायदियाव सरकारा सुबुंफोरनो कभिड प्रटकलनि फालिनायखौ लानानै सुबुंफोरनो थुलुंगा होनो थाखाय बेनि हेफाजाव लागोन।



## मोनसे गुरैयै खावलायनाय

जॉनि बेसेन गोनां ग्राहकफोरनिसिम  
नोंथानि मोब्लिब बिलखौ होनो थाखाय

## सोलिफु दाननि गेजेराव

साबसिन गुननि मोब्लिब जगायनायनि मावथांख्याव  
बाहागोदारि जा।

नोंथानि होनो गोनां बिलखौ थि समाव हो आरो  
फोनांजाबनाय गैयैखौ नेवसिगार।

मासुल होनायनिगोबांथार  
राहाफोर

www.apdcl.org

amazon pay

BHIM

freecharge

Google Pay

PhonePe

paytm



नोंथानि दानयारि  
बिलखौ थाबैनो हो.....

नोंथानि साबसिन सिबिथायनि थाखाय  
जौखौ हेफाजाव खालाम

मासुल होग्रा काउन्टरआव 30 आरो 31  
अक्टुबर, 2021 आव गेवलाडे थागोन

आसाम मोब्लिब जगायग्रा कम्पानी लिमिटेड  
(ग्राहकफोरजौ आवुडै फोथायथिजानाय मोनसे कम्पानी)

## हार्दिक पान्डिया निउजिलेन्डनि हेंथायै मोजाडै गेलेना दिन्थिफुंनो नाजागोन

गोदान दिल्ली, 29 अक्टुबर: टी-20 वर्ल्ड काप 2021 आव भारतीय हान्जाया फैंगौ 31 अक्टुबरआव निउजिलेन्डनि हेंथायै मोजाडै गेलेना दिन्थिफुंनो नाजागोन। टी-20 वर्ल्ड कापआव भारतनि हान्जाया दासिमबो निउजिलेन्डनि हेंथायै देरहानो हायाखै। दुबाइ इन्टरनेसनेल स्टेडियमआव बिराट कहलीनि हान्जाया बे खेबाव मोजाडै गेलेना दिन्थिफुंनो नाजागोन। निउजिलेन्डनि हेंथायै जानो गोनां मेचनि सिगां आथिखालाव हार्दिक पान्डियाखौ हान्जायाव सायख'नाय आरो बिथानि फिटनेसखौ लानानै गोबां सावरायनाय जादों। मेचनि सिगां सिगांनो पान्डियाखौ बलिं खालामनाय नुदों, जेराव बिथानि गासैबो बिथिडवनो फिटनेस जानाया रोखायै नुजाथिदों। अल राउन्डार पान्डियाखौ केन इउलियासनि हान्जानि हेंथायै मोजाडै दिन्थिफुंनयनि थाखाय एम एस धनीआ मेन्डरनि गाहाइ बिफाव लादों। ससियेल मिडियाआव भाइरेल जानाय सावगरियाव एम एस धनीखौ बेटिं खालामनायनि फोरेंथाय होनायखौ नुनो मोन्दों। भाइरेल जानाय सावगरियाव एम एस धनीखौ राट (बलिं) बलखौ फकास खालामनानै आरो गुबुन गुबुन रोखोमनि शटखौ बायदि आदबजौ बेटिं खालामनायनि सोलो होनायखौ नुदों। हार्दिक पान्डियाआ धनीनि आदब आरो सोलो होनायखौ मोजाडै गोसो होना नायदों मोन। हार्दिक पान्डियाआ पाकिस्ताननि हेंथायै जानाय मेचआव मोजाडै गेलेना दिन्थिफुंनो हायाखेमोन। बिथाड

पाकिस्ताननि 8 बलाव 11 रानल' लानो हानायावनो आउट जादों मोन। बीसीसआइआ अफिसियेल टुइटरनि गेजेरजौ

मोनसे सावगारि सेयार खालामदों जेराव हार्दिक पान्डियाखौ बेटिं खालामनायजौ लोगोसे बलिं खालामनायखौबो

नुनो मोन्दों। बिथाड सोलिफु बोसोरनि गेलेनाय गासै 7 खेब मेचआव 21.40 जौखोन्दोजौ 107 रान लानो हाबाय।



आसाम सरकार

## आखाय खबजबना खुलुमबाय

30 अक्टुबर, 2021



2008 माइथायनि 30 अक्टुबरआव सोमजिनाय  
उद्वारनि हिंसायाव जिउ गोमानायफोरनिसिम  
मान बाउहरबाय।

ड॰ हिमन्त बिश्व शर्मा  
गिबि मन्थि, आसाम

फोरमायथाय आरे सुनु फोनांजाव बिधेनगिरि मावख' आसामजौ फोसावजानाय Follow us @diprassam https://dipr.assam.gov.in/



## VIGILANCE AWARENESS WEEK 2021

(26<sup>TH</sup> OCTOBER TO 1<sup>ST</sup> NOVEMBER)

TRAP CASES VIS-A-VIS Frequently asked Questions by Public

**Q.1 : Who is a Corrupt Public Servant ?**

Ans: Whoever accepts or obtains or attempts to obtain from another person for himself or for any other person any undue advantage as a motive or reward to induce a public servant, by corruption or illegal means or by exercise of his personal influence to perform or to cause performance of a public duty improperly can be defined as a Corrupt Public servant under Section 8 of P.C Act, 1988 (as amended 2018).

**Q.2 : Who can approach for conducting a TRAP against Corrupt Public Servant ?**

Ans: Any person from whom any Public Servant has demanded BRIBE for performing a Public Duty.

**Q.3 : Against whom TRAP can be laid ?**

Ans: TRAP can be laid against any Corrupt Public Servant irrespective of Rank or Position in a Govt. Office.

### SOME FIGURES RELATED TO TRAP OPERATIONS DURING THE PERIOD 01/06/2016 TO 25/10/2021


Total No. of TRAP Operations Executed	: 75 Nos.
Total No. of Public Servant Arrested	: 87 Nos.
Total No. of persons arrested other then Public Servant	: 7 Nos.
Total cash recovered	: Rs. 4,19,42,716.00 (Rupees Four Crore Nineteen Lakhs Forty Two Thousand Seven Hundred Sixteen) Only
Total valuables recovered	: Rs. 58,91,649.00 (Rupees Fifty Eight Lakh Ninty One Thousand Six Hundred Forty Nine) Only



If a county is to be Corruption free and become a nation of beautiful minds, I strongly feel there are three key societal members who can make a difference. They are the father, the mother and the teacher.

APJ Abdul Kalam

### VIGILANCE AWARENESS WEEK 2021 26<sup>th</sup> October to 1<sup>st</sup> November, 2021



"AVOID ACCEPTING BRIBE & LEAD A HAPPY LIFE"

Directorate of Vigilance & Anti-Corruption, Assam